

Hibru

Yom whê bapia dindéc sa-nga

Namalac nan to bapia dindéc, nan to ndê ñaê dom, magoc in kêyalê lau Israel-nga si lêñ ti sakin akwa, ma yom nan sêto yêc Yom Lêñsêm Akwa, nan tidôñ. Lau ñatô gauc gêm bu mboe Banabas to, ma ñatô gauc gêm bu ñgac dan ñaê Apolos to, tigen yac tanjalê dom bu asa solop to bapia dau.

Bapia dindéc hêganôñ lau Israel-nga nan sêkêñ whin Yisu Kilisi. Lau dau sêtap kisa daêsam sa tu ñac si sêkêñ whin-nga, dec ñatô gauc gêm bu sêmbu sêtêñ si lêñ akwa sem akin Anötö-nga sêndi. Tu dinan-nga, ñamalac nan to bapia dindéc, nan bu puc ñac si sêkêñ whin Kilisi dôn. In tôc asê tiawê bu Yisu ndê waê hóc gêlêc Anötö ndê añela si, ma hóc gêlêc Moses ndê bocdinañ. Ma Yisu in ti dabuñsiga atu pwac wakuc-nga, nan hóc gêlêc lau Israel-nga si lau dabuñsiga pwac akwa-nga su. Ma Yisu ndê sakin pwac wakuc-nga dau, hóc gêlêc dabuñsiga pwac akwa-nga si sakin su bocdinañ.

Bapia dindéc whê sa bu lêñ tigen yêc bu lau sêti lau gitêñ yêc Anötö anğô-nga, nan sêkêñ whin Yisu Kilisi dau. Tu dinan-nga dec ñamalac nan to bapia dindéc, nan bu êngilí lau bu sêsap si sêkêñ whin Yisu dôn ñanga. In to yom pi lau hon nan sêkêñ whin Anötö têñ Abraham ndê têm ma meñ, ma toc ñac sa ti dôhôn ñayham bu lau têm kwahic dec-nga sêñkuc. Ma in tôc lêñ ñayham têñ lau sêkêñ whin-nga bu sêlhac ñanga têñ ndoc ñawapac me kisa tap ñac sa, ma sêsap mêtê atac whin asidôwai-nga dôn.

Yisu tôc Anötö ndê ηawasi asê

¹ Muη-ηga Anötö hoc in ndê yom asê têη abanji Israel-ηga tidim daêsam ma ηalêη daêsam, ηa in ndê lau propet. ² Magoc tiηambu in kêkin in dau Atunγac sip nom meη, ma Atu dau hoc Anötö ndê yom asê têη yac. Anötö kêη undambê ti nom ma gêη hoη ηa Atu dau, ma kêη in ti ηadau bu wêkain gêη hoη. ³ Atu dau ndê yom ηa-ηaclai yob gêη hoη, ma ti ηac si ηahu sêmbô-ηga. In kôc Damba Anötö anγô solop, ma dalic Anötö ndê ηawasi atu yêc in. In sip nom meη ma kêmasaη lêη bu êηgwasin yac neη mêtê sac η adômbwi su, goc mbu pi undambê gi ndôc Anötö ηaclai ti ηawasi ηadau ndê andô-ηga.

Anötö toc Atu sa hôc gêlêc aηela su

⁴ Nalêη dinaη Anötö toc in ndê Atu sa hôc gêlêc aηela hoη su, ma ηaê ti waê naη Anötö kêη têη in, naη hôc gêlêc aηela hoη si su bocdinaη. ⁵ Gauc nem yom naη Anötö gic bata pi kin naη oc wêkain Dawid ndê pôη kin-ηga, naη sêto yêc bocdec bu:

Acsalô lec am ti aö neη atunγac solop, ma aö gati am Damam. [BW 2:7]

Ma sêto yom kain tigen pi in bocdec bu:

Aö wati in Damba, ma in oc ti aö Atunγac. [2 Sam 7:14]

Yom lu dinaη gic waê Anötö Atu solop, magoc Anötö sôm yom kain dinaη pi aηela daη dom.

⁶ Ma têη ndoc Anötö kêkin Atu mbêc dau sip nom meη, naη in sôm yom pi in tôm sêto yêc bocdec bu:

Anötö ndê aṅela hoṅ sêpôn haduc têṅ iṅ ma sêtoc
iṅ sa sêndic ṅawaê. *[Diut 32:43 LXX]**

⁷ Aṅela dau sem akiṅ Anötö, tôm yom naṅ iṅ sôm
pi ṅac bocdec bu:

Iṅ kêkiṅ iṅ ndê aṅela bu sênem akiṅ iṅ gitôm mbu
ma gitôm ya ṅawahô. *[BW 104:4]*

⁸ Magoc iṅ toc iṅ Atuṅac sa kêlêc, ma sôm yom
pi iṅ bocdec bu:

O Anötö, am nem gôliṅ oc yêc titêm-titêm, ma am
oc nem gôliṅ am nem lau ti lêṅ gitêṅ eṅ.

⁹ Am tac whiṅ lêṅ gitêṅ ma tec lêṅ sac, ma tu
dinaṅ-ṅga dec Anötö, am nem Anötö, toc am
sa hôc gêlêc nem asidôwai hoṅ su, ma kêṅ atac
ṅayham kêsâlê am ahuc, gitôm iṅ kêc ndip kwi
pi am e gêm am ahuc. *[BW 45:6-7]*

¹⁰ Ma sêto yom daṅ tiyham pi Atuṅac, naṅ yêc
bocdec bu:

O Pômdau, têṅ têm ṅamata-ṅga andô, am kêmasaṅ
nom ti gêṅ hoṅ, ma undambê iṅ am amam ṅa-
gweleṅ. ¹¹ Nom ti undambê oc sêniṅga, magoc
am oc mbo. Gameṅ lu dinaṅ oc sêtisac gitôm
ṅakwê akwa. ¹² Am oc kôc undambê ti nom
su, tôm ṅamalac daṅ kôc ndê ṅakwê akwa su
ma kêlhuṅ sa. Tigeṅ am oc nem daôm kwi
dom, ma am nem têm mbo-ṅga oc pacndê dom
bocdinaṅ. *[BW 102:25-27]*

* **1:6:** Yom naṅ sêto yêc Yom Lêṅsêm Akwa, naṅ sêto ṅa Yom
Hibru, ma tiṅambu lau Israel-ṅga sem kwi sip Yom Grik, ma sêsam
trenslesen dau bu ‘Septuagint.’ Mac bu alic ‘LXX’ yêc whiṅ ṅabatiṅ
daṅ ṅanamba, naṅ tôc asê bu yom dau meṅ akêṅ Septuagint. Têm
ṅatô yom naṅ yêc Septuagint ma yom naṅ yêc Hibru Baibel sêso
dau.

¹³ Ma yom dan tiyham Anötö sôm gic waê in Atunḡac bocdec bu:

Am ndöc aö aman andô-ḡga e nditôm aö wakêḡ
nem ḡacyo sêsôc am gahim ḡapu. *[BW 110:1]*

In sôm yom kain bocdinaḡ pi aḡela si dan dom.
Mba! ¹⁴ Anötö ndê aḡela ḡac ḡalau naḡ sem akin
in, ma in kêkin ḡac bu sênem akin lau naḡ sêwêkain
mwasiḡ sêndöc tali-ḡga.

2

*Dayob dauḡ bu daso mwasiḡ dandöc tanḡi-ḡga
dom*

¹ Tu dinaḡ-ḡga dec yom naḡ Anötö ndê Atuhoc
asê, ma yac danḡô ḡawaê su, naḡ daköc tidöḡ lhad
neḡ gauc ḡapaḡ, bu daso Anötö ndê mwasiḡ dom.
² Gauc nem abanḡ Israel-ḡga naḡ aḡela sêhoc Anötö
ndê yomsu asê têḡ ḡac. Yom dau in yom ḡambwa
dom. Bu ḡac si asa naḡ kêgili yomsu dau ḡadaḡ,
me danḡapêc têḡ Anötö, naḡ tap ḡagêyô sa tu ḡêḡ
dinaḡ-ḡga. ³ Bocdinaḡ yac lau têm kwahic dec-ḡga
bu dapuc dômwêḡ Anötö ndê mwasiḡ atu naḡ kôm
tu nem yac si-ḡga, dec ḡalêḡ mba bu dalhö su yêc
in ndê matöc. Pômdau Yisu hoc yom asê pi mwasiḡ
dau su, ma lau naḡ sêḡḡô sa in whasuḡ solop, naḡ
sic dulu têḡ yac ma sêpuc döḡ bu yomandö. ⁴ Ma
Anötö dau puc yom dau döḡ bocdec bu. In kêḡ
ḡaclai têḡ lau naḡ sêhoc yom dau asê bu sêkôm ḡêḡ
dalô ti ḡêḡ atu-tu tidau-tidau, ma in puc ḡac döḡ ḡa
ḡalau Dabuḡ ndê mwasiḡ tidau-tidau, naḡ gic sam
têḡ ḡac tôm in ndê atac whinḡ.

*Yisu meḡ ti ḡamalac bu kôm Anötö ndê lêḡ nem yac
si-ḡga ḡandö sa*

⁵ Yom pi tēm wakuc, nañ yac asôm asê su. Ma tēñ ndoc dau meñ sa, nañ goc añela dan oc sēnem gôliñ dom. ⁶ Magoc gauc nem yom nañ ñamalac dan sôm tēñ Anötö, nañ sêto yêc bocdec bu:

Yac ñamalac yac sake dec am gauc gêm yac ñapañ?
Ma tu sake-ñga am yob Adam ndê wakuc yac?

⁷ Ñawasi ti waê nañ am kēñ tēñ yac, nañ kêpiñ bu tap añela dau si sa.

⁸ Ma am kēñ gēñ hoñ sêsôc yac ñapu. *[BW 8:4-6]*

Yom nañ sôm bu Anötö kēñ gēñ hoñ sêsôc yac ñamalac ñapu, nañ hêganôn gēñ hoñ nañ Anötö kēñ. Tigen kwahic dec dalic gitôm gēñ hoñ sêsôc yac ñapu su dom. ⁹ Magoc yac dalic Yisu, nañ Anötö kêkiñ sip nom meñ, dec hu ndê waê nañ hóc gêlêc añela si su, nañ siñ, ma meñ ti ñamalac. Ma in mbac ndu tu lau hoñ si sac-ñga, kêkuc Anötö ndê lēñ êmwasiñ lau-ñga, dec Anötö un in sa tiyham, ma kēñ waê ti ñawasi atu tēñ in. ¹⁰ Bu Anötö tac whiñ bu êmasañ lēñ bu lau daêsam sêti in atungaci ti atuwêi, ma sêtap in ndê ñawasi sa. Ma lēñ dau ñandô sa bocdec bu, Yisu ti ñamalac ma hóc ñandê atu e mbac ndu. Ma ñalēñ dinañ Anötö gêlic in gitôm solop bu ti ñadau nem lau si-ñga. Anötö kêmasañ gēñ hoñ, ma gēñ hoñ sêmbo tu in-ñga, ma bocdinañ lēñ kainañ dinañ gic in ñawaê solop.

¹¹ Yisu kêkuc lēñ dinañ bu kôm lau sêti dabuñ, ma lau nañ sêti dabuñ kwahic dec sêsam Anötö bu ñac si Damba sêwhiñ in. Tu dinañ-ñga Yisu maya dau dom bu sam ñac bu in ndê asii ti lhuwêi. ¹² Tôm yom nañ sêto yêc, nañ sôm bocdec bu:

Aö oc wahoc am nem waêm asê tēñ aö neñ asidôwai ti lhuñwêi,

ma wanem wê wampin am-nga yêc gôlôwac
dabuŋ aŋgô-nga. *[BW 22:22]*

¹³ Ma yom daŋ tiyham sôm:

Aö oc wakêŋ whin Anötö. *[Ais 8:17]*

Ma daŋ tiyham yêc bocdec bu:

Alic aö dec galhac gawhin balêkoc naŋ Anötö kêŋ
têŋ aö. *[Ais 8:18]*

¹⁴ Balêkoc naŋ Yisu sôm yom dinaŋ hêganôŋ ŋac,
naŋ ŋamalac ti dac ma ŋamsôm. Tu dinaŋ-nga dec in
ti ŋamalac gitôm ŋac, ma mbac ndu gitôm ŋamalac.
Ma in ndê mbac ndu ma tisa akêŋ lau batê-nga ŋa-
ŋahu andô, naŋ bu ku Sadaŋ, naŋ ti ŋaclai dambac
ndu-nga ŋadau, naŋ dulu. ¹⁵ Ma lau naŋ sêtöc
dambac ndu e gêŋ dau kôm ŋac sêmbo sêtôm lau
naŋ sêndöc gapocwalô ŋapaŋ, naŋ Yisu ndê gwelen
dinaŋ kêgapwêc ŋac su.

¹⁶ Gêŋ dau tôc dau yêc awê bu in kôm tu bu nem
aŋela sa-nga dom, magoc in kôm bu nem Abraham
ndê wakuc sa. ¹⁷ Nalêŋ tigen yêc bu Yisu nem in
ndê asii ti lhuwêi nom-nga sa ŋapep, ma nem akin
ŋac yêc Anötö aŋgô-nga gitôm dabuŋsiga ŋayham
naŋ tôm bu tawalô ŋac, ma tôm bu êmasaŋ lêŋ bu
Anötö suc ŋac si sac kwi-nga. Ma ŋalêŋ dau bocdec,
têŋ ndoc in mbo nom, naŋ in ti ŋamalac ma mbo
gitôm ŋac, ma kêsahê gêŋ hoŋ gitôm ŋac sêŋsahê.
¹⁸ Bu in dau kêsahê ŋawapac lêtôm-nga su, ma tu
dinaŋ-nga in gitôm bu nem yac lau nom-nga sa têŋ
ndoc lêtôm tap yac sa.

3

Yisu ndê waê hôc gêlêc Moses ndê su

¹ Bocdinaŋ aneŋ asidôwai dabuŋ, naŋ datap Anötö ndê galem undambê-ŋga sa dawhiŋ daun, akôc gauc pi Yisu. In têŋ yac meŋ gitôm aposel gêm Anötö aŋgô, ma ti yac neŋ †dabuŋsiga atu naŋ kalhac Anötö aŋgô-ŋga tu yac-ŋga, tôm yom naŋ yac dakêŋ whiŋ ti dahoc asê. Kwahic dec aö bu wasôm têŋ mac bu akêŋ in lhac nem gauc ŋamata.

² Anötö kêyaliŋ Yisu sa ma in gêm ndê gwelen ŋapep e gic dabiŋ, tôm Moses gêm in ndê gwelen ma gêm akiŋ Anötö ndê lau Israel-ŋga ŋapep eŋ. ³ Magoc Anötö po Yisu ndê waê sa hôc gêlêc Moses ndê su, ma tu dinaŋ-ŋga dec akêŋ Yisu lhac nem gauc ŋamata. Nalêŋ tigeŋ, yac datoc ŋamalac naŋ kwê andu, naŋ sa hôc gêlêc andu naŋ in kwê, naŋ su.

⁴ Bu andu daŋ dau kwê dau dom, ŋamalac kwê-ŋga mbo. Magoc gêŋ hon ŋahu, naŋ Anötö dau.

⁵ Moses kôm in ndê gwelen hon ŋapep mbo Anötö ndê lau Israel-ŋga ŋalôm, ma hoc yom asê gwanaŋ pi gêŋ naŋ tiŋambu Anötö oc tôc tiawê. In kôm gwelen dau gitôm Anötö ndê ŋgac akiŋ ŋambwa.

⁶ Magoc Kilisi in Anötö ndê Atuŋgac solop, ma kôm ndê gwelen ŋapep ma yob Anötö ndê lau gitôm ŋac si ŋagôlôŋ. Ma yac bu dasap neŋ dakêŋ whiŋ dôŋ ŋaŋga ti neŋ ŋalôm pêŋ dôŋ, ma mayan daun dom pi mwasiŋ naŋ taŋkwê bu datap sa tu Yisu-ŋga, dec yac oc dati Anötö ndê lau solop.

Puc dasap neŋ dakêŋ whiŋ dôŋ-ŋga

⁷ Tu dinaŋ-ŋga dec akôc gauc ŋapep pi yom naŋ Nalau Dabuŋ sôm, naŋ sêto yêc bocdec bu:

Acsalô lec mac bu aŋgô Anötö awha, ⁸ naŋ ayob bu asôŋ daŋamsuŋ ahuc têŋ in dom, tôm lau Israel-ŋga sêkôm têŋ ndoc sêtap lêtôm sa, ma

sêli dau sa têtj inj yêc gameŋ sawa. ⁹ Yêc dinan mac apami sêlic gêtj dalô nanj aô gakôm têtj ñac gitôm yala 40, tigenj sêtec aô ma sêŋsahê aô ñapanj ña ñac si mêtê sac.

¹⁰ Tu dinan-ŋga dec aô atac ñandê têtj lau têtj dinan-ŋga, ma gasôm têtj dauj, “Ñac si ñalôm ñadandi ñapanj, ma sêsap aô dôŋ dom. Ma sêsa anej lêtj dom.”

¹¹ Ma tu anej atac ñandê-ŋga dec kamatiŋ yom tidôŋ bocdec bu, “Ñac oc sêtap têtj nanj aô kayaliŋ sa tu sêŋwhañ dau-ŋga, nanj sa dom.”
[BW 95:7b-11]

¹² Bocdinaŋ anej asidôwai, mac tigenj-tigenj ayob daôm bu mêtê sac êŋgalôm nem ñalôm e akêtj whiŋ gwalec, ma akac daôm su yêc Anötö Tali Ñadau dom. ¹³ Anğilí nem asidôwai hoŋ bu sêsap lêtj gitêtj dôŋ ma sêyob dau têtj mêtê sac, bu kôm ñac si danj ndê ñalôm ñadandi sa e inj hu Anötö ti ndê lêtj siŋ dom. Akôm bocdinaŋ tôm bêc hoŋ, bu Anötö kêtj ñasawa têtj yac bu dasôc inj ndê yom ñapu têtj têtj kwahic dec-ŋga. ¹⁴ Bu têtj têtj yac dakêtj whiŋ tiwakuc, nanj dalhac ñañga ma taŋkwê Yisu ti dakêtj whiŋ inj ti neŋ ñalôm sambuc. Magoc yac bu dakôm bocdinaŋ dom e dahu nom dindec siŋ, dec oc tôm dom bu dawêkaiŋ Anötö ndê mwasiŋ atu, nanj gic lau nanj sêti Kilisi ndê, nanj ñawaê. ¹⁵ Gauc nem yom nanj Anötö sôm bocdec bu:

Acsalô lec mac bu anğô Anötö awha, nanj ayob bu asôŋ danjamsuŋ ahuc têtj inj dom, tôm lau Israel-ŋga sêkôm têtj ndoc sêli dau sa têtj inj.
[BW 95:7b-8]

¹⁶ Anğô su nanj! Lau nanj sêŋğô Anötö awha magoc sêli dau sa têtj inj, ñac asa? Ñac lau nanj

Moses wê ñac sêsa akêñ gameñ Isip-nga sêmen. ¹⁷Ma lau nañ Anötö tac ñandê têñ ñac gitôm yala 40, ñac asa? Ñac lau nañ sêkôm sac ñapañ, ma sêmbac ndu sêyêc gameñ sawa. ¹⁸Ma lau bocke dec Anötö kêmatin yom tidôn pi ñac, ma sôm bu ñac oc sêtap têm nañ in kêyalin sa tu sêñwhañ dau-nga, nañ sa dom? In sôm yom dinan hêganôn lau nañ danğapêc têñ in. ¹⁹Yom dau tîc tiawê têñ yac bu ñac sêtôm dom bu sêtap in ndê têm sêñwhañ dau-nga sa, ñahu bu ñac sêkêñ whin dom.

4

Anötö oc kêñ lau sêkêñ whin-nga sêñwhañ dau

¹Yom nañ Anötö gic bata pi têm tu in ndê lau sêñwhañ dau-nga, nañ gacgen yêc. Tu dinan-nga dayob daun ñapep bu Anötö lic yac hoñ datôm bu datap mwasin dau sa, ma yac neñ dan so gêñ dau dom. ²Bu ñawaê ñayham pi gêñ nañ Anötö gic bata, nañ yac danğô su, gitôm abañ Israel-nga sêngô yom nañ in gic bata têñ ñac. Ñac sêngô, magoc sêkêñ whin dom, ma bocdinan yom dau gêm ñac sa dom. ³Bu yac lau nañ dakêñ whin, nañ datôm bu datap Anötö ndê mwasin tanwhañ daun-nga sa, magoc lau nañ sêkêñ whin dom, nañ oc sêso, tôm Anötö ndê yom nañ sêto yêc bocdec bu:

Tu aneñ atac ñandê-nga dec kamatin yom tidôn bocdec bu, “Ñac oc sêtap têm nañ aô kayalin sa tu sêñwhañ dau-nga, nañ sa dom.” *[BW 95:11]*

Têm dau Anötö kêmatin tidôn têñ ndoc in kêñ undambê ti nom, ma gic dabin gêñ hoñ. ⁴Bu yêc Anötö ndê yom nañ sêto yêc, nañ sêto yom dan pi bêt ti-7-nga bocdec bu:

Têñ bêc ti-7-nga Anötö ndê gwelenj hoñ pacndê,
ma inj kêwhañ dau. *[Gen 2:2]*

⁵ Ma inj sôm yom pi lau danjapêc, tòm yom nanj
gato yêc ñahô-nga su, nanj yêc bocdec bu:

Ñac oc sêtap têm nanj aô kayalinj sa tu sêñwhañ
dau-nga, nanj sa dom. *[BW 95:11]*

⁶ Bocdinañ Anötö ndê mwasiñ tanjwhañ dauñ-
nga gacgenj yêc tu bu lau têm kwahic dec-nga sêtap
sa-nga. Anötö gic bata mwasiñ dau têñ abañi
Israel-nga, ma sêñgô ñawaê ñayham pi gêñ dau,
magoc sêtap sa dom, ñahu bu ñac danjapêc têñ inj.

⁷ Ma tinjambu yala daêsam ginja su, goc Anötö sôm
ndê yom sa Kinj Dawid whasuñ, tòm gato su bocdec
bu:

Acsalô lec mac bu anjô Anötö awha, nanj ayob
bu asôñ danjamsuñ ahuc têñ inj dom. *[BW
95:7b-8]*

Gêñ dau tôc asê bu Anötö kêmatinj têm wakuc bu
lau sêñgô inj awha ma sêsôc ñapu, dec sêtap inj ndê
mwasiñ sêñwhañ dau-nga sa. Ma têm dau, inj bêc
dau dindec.

⁸ Yom hoñ dinañ hêganônj têm nanj Josua wê
abañi Israel-nga sêsôc gameñ Kanan-nga si dom.
Bu bocdinañ, dec Anötö oc sôm yom tinjambu, pi
têm danj tiyham tu dakêñ danj inj ndê awha-nga
lec dom. ⁹ Tu dinañ-nga tanjyalê bu Anötö ndê lau
si têm sêñwhañ dau-nga gacgenj yêc, tòm bêc ti-7-
nga nanj Anötö dau kêwhañ dau. Ma yac lau têm
kwahic dec-nga datôm bu datap têm dau sa. ¹⁰ Bu
asa nanj tap Anötö ndê mwasiñ êñwhañ dauñ-nga

sa, naŋ kêwhaŋ dau yêc iŋ dau ndê gwelen,* tòm Anötö dau kêwhaŋ dau têŋ ndoc iŋ ndê gwelen kêŋ undambê ti nom-ŋga pacndê. ¹¹ Tu dinaŋ-ŋga dec taŋsahê ŋaŋga bu datap mwasinŋ dinaŋ sa, ma dayob dauŋ ŋapep bu yac neŋ daŋ daŋgapêc têŋ Anötö ndê yom, ma peŋ tòm abaŋi Israel-ŋga dom.

¹² Yac datôm dom bu taŋsau Anötö. Bu iŋ ndê yom iŋ gitôm gêŋ tali, ma kôm gwelen ti ŋaclai mbo. Yom dau iŋ ŋamata hôc gêlêc bienŋ ŋamata daŋga lulu su, naŋ gitôm bu kuŋ yac ma sê yac neŋ ŋalôm ŋagêŋ hoŋ kic-kic. Ma ŋalêŋ tigenŋ Anötö ndê yom gitôm bu êŋsahê yac neŋ gauc ti gêŋ hoŋ naŋ yêc yac neŋ ŋalôm ma kôm gwelenŋ pi yac neŋ gatuj.

¹³ Gêŋ nom-ŋga me undambê-ŋga daŋ oc tòm bu siŋ dau têŋ Anötö dom. Kwahic dec iŋ gêlic gêŋ hoŋ yêc awê eŋ, ma têŋ tèm ŋambu-ŋga yac tigenŋ-tigenŋ oc dalhac iŋ aŋgô-ŋga bu dawhé gêŋ hoŋ naŋ dakôm, naŋ sa têŋ iŋ.

Yisu ti yac neŋ dabuŋsiga atu

¹⁴ Yac neŋ dabuŋsiga atu mbo, naŋ Yisu, Anötö Atu dau. Iŋ pi undambê gi su ma kalhac Anötö aŋgô-ŋga. Bocdinaŋ iŋ ŋayham bu yac gauc nem iŋ ŋapaŋ tu bu puc yac dôŋ ma dasap yom ŋandô naŋ lau sêkêŋ whinŋ-ŋga sêhoc asê pi Kilisi, naŋ dôŋ ŋaŋga. ¹⁵ Bu yac neŋ dabuŋsiga dau kêsahê lêtôm ti saê hoŋ tòm yac taŋsahê, magoc iŋ kôm sac daŋ

* **4:10:** Lau daêsam gauc gêm bu yom dau hêganôŋ lau sêmbac ndu ma sêŋwhaŋ dau yêc gwelenŋ nom-ŋga lec dom. Iŋ hêganôŋ lau naŋ sêtap Anötö ndê mwasinŋ nem ŋac si-ŋga sa, ma sêŋyalê bu iŋ gêlic ŋac tòm lau gitêŋ tu ŋac si sêkêŋ whinŋ-ŋga. Bocdinaŋ sêŋwhaŋ dau yêc gwelenŋ naŋ ŋac dau sêkôm munŋ-ŋga, naŋ sêŋsahê bu sêti lau gitêŋ ŋa ŋac dau si licwalô, ma ŋa lêŋ yomsu-ŋga.

dom. Bocdinañ dec inñ gitôm andô bu tawalô yac ma nem yac sa. ¹⁶ Tu dinañ-nga datigasuc yac neñ mwasiñ ñadau Anötö ti neñ atac pa su, tu bu datap inñ ndê tawalô sa-nga, ma tu datap inñ ndê mwasiñ sa bu puc yac dôñ têt têt bocke nañ lêtôm me saê tap yac sa.

5

Yom pi dabuñsiga nom-nga

¹ Lau Israel-nga sênyaliñ lau sa sêti si dabuñsiga atu-tu bu sênem akiñ Anötö sênem ñac aṅgô, ma bu sêkêñ da tidau-tidau ma da ya ô lau si sac ñagêyô-nga. Ma ñac bocke nañ sênyaliñ inñ sa ti dabuñsiga atu, nañ ñamalac gitôm inñ ndê asidôwai Israel-nga. ² Inñ ndê gauc ti licwalô gitôm ñac si, ma bocdinañ inñ gitôm bu tawalô ti kôm mêtê malô têt lau gauc pôc ma lau nañ sêñkuc Anötö ndê lêt ñapep dom. ³ Ma tu inñ gitôm inñ ndê asidôwai nom-nga, dec inñ gic waê bu kêt da ya ô dau ndê sac ñagêyô, ma tu lau si-nga bocdinañ. ⁴ Gwelen dabuñsiga-nga inñ gwelen tiwaê, ma oc tôm dom bu ñamalac dañ kôc gwelen dau sa tôm inñ dau ndê atac whiñ. Anötö bu ênyaliñ inñ sa tôm inñ kêgalêm ti kêyaliñ Aron sa, dec oc tôm bu inñ ti dabuñsiga atu.

Kilisi ndê gwelen dabuñsiga-nga

⁵ Ñalêt tigen Kilisi po dau sa bu ti dabuñsiga atu dom. Magoc Anötö dau kêyaliñ inñ sa, ma sôm yom têt inñ, tôm sêto yêc bocdec bu:

Acsalô lec am ti aö neñ atuñgac solop, ma aö gati am Damam. [BW 2:7]

⁶ Ma Anötö ndê yom dañ tiyham nañ sôm têt Kilisi bocdec bu:

Am dabuŋsiga mbo napan-nga, nan kékuc dabuŋsiga atu Melkisedek.* *[BW 110:4]*

⁷ Têŋ ndoc Yisu meŋ mbo nom tòm ŋamalac, nan iŋ ten mbec daêsam ti tasulu, ma mbwêc awha atu têŋ Anötö, nan ndê ŋaclai yêc tòm bu êŋgaho iŋ su yêc ŋandê dambac ndu-nga. Ma tu iŋ toc Anötö sa ma sôc iŋ ndê yom hon napan-nga, dec Anötö kôc iŋ ndê mbec sa. ⁸ Yisu iŋ Anötö ndê Atu yomandô, tigen iŋ meŋ ti ŋamalac, ma ŋandê nan iŋ hóc dec kêdôhôn iŋ pi lêŋ danan wambu Anötö-nga. ⁹ Lêŋ dinan gic dabin iŋ bu ti lau nan danŋa wambu iŋ, nan si nahu sêtap Anötö ndê mwasin nem ŋac si, ti sêndôc tali napan-nga sa. ¹⁰ Ma bocdinan dec Anötö kêyalin iŋ sa ti lau si dabuŋsiga atu, nan kékuc Melkisedek.

Dayob dauŋ bu dakêŋ whin tòm balêkoc dedec napan dom

¹¹ Yom daêsam yêc tu yac asôm pi Melkisedek lu Kilisi-nga, magoc yac alic bu mac nem danamsun kwa nanga, ma oc tòm dom bu mac anjalê yom dau napep. ¹² Bu mac akêŋ whin ŋasawa balin su, ma oc tòm bu mac andôhôn yom ŋandô pi Kilisi têŋ lau ŋatô. Magoc mbasi. Mac nem gauc sa dom pi Anötö ndê yom nan sêndôhôn têŋ lau sêkêŋ whin-nga wakuc, ma tu dinan-nga mac apônda lau bu sêndôhôn mac tiyham. Mac atôm balêkoc dedec

* **5:6:** Aron ti lau Israel-nga si dabuŋsiga hon sêsa akêŋ Liwai ndê ton, magoc Yisu sa akêŋ Juda ndê ton kékuc iŋ apangac Kin Dawid. Melkisedek bocdinan iŋ sa akêŋ Liwai ndê ton dom. Iŋ Kin Salem-nga (alic Gen 14:18), magoc Anötö sam iŋ bu Anötö ŋaclai ti ŋawasi ŋadau ndê dabuŋsiga. Tu dinan-nga dec ŋac nan to Hibru sam Yisu bu dabuŋsiga kékuc Melkisedek.

nañ sênôm su ñapañ, ma sêtôm dom bu sênen gö me bockoc. ¹³ Ma lau nañ sêtôm balêkoc dedec nañ sênôm su ñambwa, nañ sêtôm dom bu sênjalê mêtê bocke in mêtê gitêñ me mêtê sac. ¹⁴ Magoc lau nañ sêsap Anötö ndê yom dôñ ma sêndôhôn ñapañ, nañ sêtôm bu sênjalê ñayham ma sac, ma sêtôm lau atu-tu nañ sênen gêñ danen-ña ñanga.

6

¹⁻² Gauc nem yom pi Kilisi nañ tandôhôn têt lau nañ sêkêñ whiñ tiwakuc. Tandôhôn ñac bu sênem si ñalôm kwi, ma sêhu mêtê sac nañ gic waê bu sêninça, nañ siñ, ma sêkêñ whiñ Anötö. Tandôhôn ñac pi busançu ma pi mêtê dakêñ aman sac lau-ña, yom datisa akêñ lau batê-ña, ma yom pi Anötö ndê bêc êmatôc lau-ña, nañ in oc kic ñac si yom pi gameñ bocke bu sêndöc ñapañ-ña. Magoc yom hon dinan gic lau sêkêñ whiñ-ña wakuc ñawaê, ma aö tac whiñ bu dasôm yom kain dinan ñapañ dom. Aö tac whiñ bu dalom yom nañ gic lau sêkêñ whiñ ñannga-ña ñawaê. ³ Ma Anötö bu lic ñayham, dec yac oc dakôm bocdinan.

Puc dahu neñ dakêñ whiñ siñ dom-ña

⁴ Ñamalac nañ bu kên whiñ Yisu, magoc tiñambu puc dômbwê in, nañ dec oc ñalên ñawapac bu danem in kwi tiyham. Yomandô. Asa nañ kêyalê Kilisi ndê ñawaê ñayham tidôn su, ma tap mwasin undambê-ña sa, ma kôc Ñalau Dabuñ su, ⁵ ma ngô Anötö ndê yom ma kêsahê bu yom ñayham, ma gêlic Anötö ndê ñaclai atu nañ in oc tôc tiawê têt têt ñambu-ña, ⁶ magoc tiñambu tec gêt hon dinan ma hu ndê kên whiñ siñ, dec oc ñalên ñawapac bu danem in kwi

tiyham. Bu in kêsahê mwasiñ hoñ dinañ su, magoc tinjambu puc dômbwê, nañ tôm in dau bu ndic Anötö ndê Atu pi a gicso tidim tilu-nga, ma su in susu yêc lau hoñ aṅgô-nga. Ma tu dinañ-nga dec in gic waê bu niñga.

⁷ Namalac nañ kêsahê Anötö ndê mwasiñ tidau-tidau, ma sa ndê lêñ kékuc Anötö ndê atac whiñ, nañ gitôm ôm nañ u gic sip napañ e gêm nandô ñayham tu ñadau-nga. Anötö oc nem mbec ñamalac kaiñ dinañ. ⁸ Ma ôm nañ u gic sip napañ, magoc kwan ñakwa-ñakwa ñambwa hóc ahuc, nañ ôm ñadau oc lic bu nom sac, ma pucho in bu tisac, ma kêñ ya neñ su.

⁹ O yac mba lau atac whiñ-nga, yac asôm yom dinañ bu akêñ puc mac, magoc yac akêñ whiñ bu mac oc asa nem lêñ ñapep, ma akôm mêtê nañ gic lau nañ sêtap Anötö ndê mwasiñ nem ñac si-nga sa su, nañ ñawaê. ¹⁰ Bu Anötö kôm mêtê gitêñ eñ, ma gwelen nañ mac akôm napañ am in aṅgô, tu bu anem akiñ lau dabuñ, ma atóc nem atac whiñ ñac-nga asê, nañ in oc tôm dom bu êñlhiñ siñ. ¹¹ Yac atac whiñ bu mac lau tigen-tigen asap nem lêñ ñayham dinañ dôñ napañ. Akôm bocdinañ e mac nem têm ambo nom-nga pacndê, dec mac oc atap mwasiñ atu nañ mac akêñ Batam ambo, nañ sa. ¹² Yac atec bu mac lic ñakam sa e mac nem akêñ whiñ nandô mba. Akóc gauc pi lau nañ sêlhac ti atac lu-lu dom, ma sêsap si sêkêñ whiñ dôñ e sêtap mwasiñ atu nañ Anötö gic bata têñ ñac, nañ sa. Añkuc lau kaiñ dinañ si lêñ, bu in dôhôn ñayham.

Yom nañ Anötö gic bata, nañ tidôn su

¹³ Gauc nem yom nanj Anötö gic bata têtj Abraham. Anötö puc yom dau dônj ña inj dau ndê ñaê, ñahu bu ñaê danj nanj hôc gêlêc inj ndê ñaê su, nanj yêc dom. Inj gic bata yom têtj Abraham, tòm sêto yêc bocdec bu:

¹⁴ Yomandô aô wanem mbec am, ma wakôm am nem wakuc sêñsôwec sêti daêsam ñandô. [*Gen 22:17*]

¹⁵ Ma tinjambu Abraham kalhac ti atac lu-lu dom, ma hôñ yom dau ña-ñandô e inj tap sa.

¹⁶ Mac anyalê lau nom-ñga si lêtj sêmatinj yom tidônj-ñga. Ñac oc sêta ñamalac nanj ndê ñaclai hôc gêlêc ñac dau si su, nanj ndê ñaê asê tu bu sêpuc si yom dônj-ñga. Ma ñalêtj dinanj oc tòm dom bu ñamalac danj sêto ñac si yom me sêsenj su. ¹⁷ Ma ñalêtj tigenj Anötö puc yom nanj inj gic bata têtj Abraham, nanj dônj ña inj dau ndê ñaê. Ñahu bu inj bu tôc asê têtj yac lau nanj dawêkainj yom nanj inj gic bata têtj Abraham, nanj ña-ñandô, bu inj gitôm dom bu kac ndê awha kwi-kwi pi lêtj nanj inj gic bata tu êmwasiñ yac-ñga. ¹⁸ Ñalêtj dinanj Anötö gic bata yom, ma puc yom dau dônj. Inj gitôm dom bu senj gêtj lu dinanj su, me êñsau yac. Ma bocdinañ yom dau gitôm bu puc yac lau nanj datêtj Anötö ta, ma tanjkwê inj bu nem yac sa, nanj dônj. Dalhac ñanja, ma dahônj ñandô ñayham nanj dakêtj batanj dambo, nanj ti atac pa su.

¹⁹⁻²⁰ Ñandô ñayham nanj dakêtj batanj dambo, nanj ñahu Yisu Kilisi. Ma yac neñ dakêtj batanj inj gitôm anja ñadehe nanj ndöc tenj, ma tenj yac dônj dalhac tenj. Ma po anja-ñga sô yac dônj tam daminj Yisu. Ma tòm lau Israel-ñga si dabunjsiga ñamata-ñga sip po baliñ jambu-ñga yêc Anötö ndê lôm dabunj bu sôc Ñalôm Dabunj Andô ndi, dec Yisu munj yac pi

undambê gi su, ma kalhac Anötö anğô-nga gitôm yac neŋ dabuŋsiga atu. Bu inŋ ti yac neŋ dabuŋsiga nanŋ kêkuc Melkisedek, ma inŋ oc mbo ŋapanŋ.

7

Yom pi dabuŋsiga atu Melkisedek

¹ Melkisedek inŋ Kiŋ Salem-nga, ma Anötö, Ŋaclai ti Ŋawasi Ŋadau ndê dabuŋsiga atu. Inŋ tap Abraham sa ma gêm mbec inŋ têtŋ ndoc Abraham ku kiŋ nanŋ sêŋgaho inŋ nêsip Lot su, nanŋ dulu, ma kêsêlêŋ bu mbu têtŋ inŋ ndê gameŋ ndi. ² Ma Abraham whê wapa nanŋ inŋ kêgaho su yêc kiŋ dinaŋ amba, nanŋ kôc gi toŋ amanlu, dec kêŋ toŋ daŋ têtŋ Melkisedek, ma inŋ dau kôc toŋ 9. Ŋaê Melkisedek ŋahu bu Kiŋ Lêŋ Gitêŋ-nga, ma ŋaê Kiŋ Salem-nga ŋahu bu Kiŋ Yom Malô-nga. ³ Yêc Anötö ndê yom nanŋ sêto yêc, nanŋ datap yom daŋ sa pi Melkisedek dinda me damba me apai si ŋadênaŋ dom. Ma datap yom daŋ sa pi inŋ ndê bêc dinda kôc inŋ-nga me bêc mbac ndu-nga dom. Magoc tôm Anötö ndê Atu nanŋ mbo ŋapanŋ, ma inŋ ndê têm oc pacndê dom, nanŋ dalic Melkisedek gitôm dabuŋsiga mbo ŋapanŋ-nga.

Melkisedek hôc gêlêc lau dabuŋsiga akêŋ Liwai ndê toŋ, nanŋ su

⁴ Alic gêŋ nanŋ tôc asê bu Melkisedek inŋ dabuŋsiga ti waê atu. Abraham inŋ lau Israel-nga hoŋ si damba, magoc inŋ toc Melkisedek sa têtŋ ndoc inŋ whê wapa nanŋ inŋ kêgaho su yêc ŋacyo amba, nanŋ kôc gi ti toŋ amanlu, ma kêŋ toŋ daŋ têtŋ inŋ. ⁵ Ma gauc nem lau akêŋ Liwai ndê toŋ, nanŋ sêti dabuŋsiga. Lau Liwai dau, ti lau Israel-nga hoŋ sêsa akêŋ Abraham, magoc ŋac si yomsu daŋ sôm tidônŋ

bu lau Liwai si asidôwai sêwhê si gêṅ kôc ndi ton amanlu, ma sêkêṅ ton dan têṅ lau Liwai. ⁶ Magoc Melkisedek, nan sa akêṅ Liwai ndê ton dom, nan kôc wapa ton dan yêc ṅac hon apanṅac Abraham, ṅac nan Anötö kêmatin pwac whin in. Ma tinambu Melkisedek gêm mbec Abraham. ⁷ Ma yac hon tanjalê bu ṅamalac nan gêm mbec lau ṅatô, nan ndê waê hôc gêlêc lau nan in gêm mbec, nan si su. ⁸ Ma alic su nan. Lau dabuṅsiga akêṅ Liwai ndê ton sêkôc wapa ton dan yêc ṅac si asidôwai Israel-ṅa, magoc ṅac sêmbac ndu. Magoc Melkisedek kôc wapa ton dan yêc ṅac hon si apanṅac Abraham, ma datap yom dan sa pi Melkisedek ndê bêc mbac ndu-ṅa yêc Anötö ndê yom nan sêto yêc, nan dom. ⁹ Ma gêṅ dan whin. Liwai ndê lau wakuc nan sêti dabuṅsiga ma sêkôc wapa ton dan yêc lau Israel-ṅa, nan oc tôm bu dasôm bu ṅac dau sêtoc Melkisedek sa, ma sêkêṅ wapa ton dan têṅ in. Nahu bu lau Liwai si apanṅac Abraham kêṅ wapa ton dan têṅ Melkisedek gêm ṅac hon ṅgô. ¹⁰ Bu têṅ têm Melkisedek tap Abraham sa, nan Liwai dau yêc Abraham ndê dac dôṅ yêc.

Yisu ndê gwelen dabuṅsiga-ṅa hôc gêlêc lau Liwai si su

¹¹ Aron ma lau hon akêṅ Liwai ndê ton nan sêti dabuṅsiga Israel-ṅa, nan si sakin nahu yêc pwac akwa yomsu-ṅa. Magoc sakin dau gitôm dom bu ndic dabin Anötö ndê lau. Tu dinan-ṅa dec Anötö kêṅ Yisu ti dabuṅsiga nan ndê sakin kêkuc lau Liwai si dom, magoc kêkuc Melkisedek ndê. ¹² Anötö kêṅ sakin wakuc ô lau Liwai si, ma bocdinan dec in gic waê bu kêṅ yomsu wakuc bu

puc sakin wakuc dau dôḡ. ¹³ Bu Yisu, naḡ yom dindec hêganôḡ, naḡ sa akêḡ Liwai ndê toḡ dom. In sa akêḡ lau Israel-ḡga si toḡ daḡ dau-ḡga, naḡ si daḡ ti dabuḡsiga dom. ¹⁴ Mba. Yac taḡyalê su bu yac neḡ Pômdau sa akêḡ Juda ndê toḡ. Ma Moses to yom daḡ naḡ hêganôḡ lau akêḡ Juda ndê toḡ bu sêti dabuḡsiga-ḡga lec dom. ¹⁵ Magoc Yisu ti dabuḡ-siga kêkuc Melkisedek, dec tôc asê tiawê bu in dabuḡsiga pwac wakuc-ḡga. ¹⁶ Yisu ti dabuḡsiga kêkuc yomsu naḡ kêḡ gwelenḡ dau têḡ Liwai ndê wakuc tawasê, naḡ dom. Magoc in ti dabuḡsiga tu ḡaclai mbo tali ḡapaḡ-ḡga naḡ Anötô kêḡ têḡ in-ḡga. ¹⁷ Bu Anötô ndê yom whê gêḡ dau sa, tôm sêto yêc bocdec bu:

Am dabuḡsiga mbo ḡapaḡ-ḡga, kêkuc dabuḡsiga
atu Melkisedek. *[BW 110:4]*

¹⁸ Bocdinaḡ yomsu akwa naḡ hêganôḡ lau Liwai si gwelenḡ dabuḡsiga-ḡga, naḡ Anötô seḡ su. ḡahu bu yomsu dau ndê ḡaḡga mba, ma tôm dom bu nem lau daḡ sa. ¹⁹ Yomandô. Sakin pwac akwa-ḡga dinaḡ gic dabinḡ gêḡ daḡ me kôm tisolop su dom. Magoc Kilisi ndê sakin dabuḡsiga-ḡga hóc gêlêc sakin akwa dinaḡ su, ma gêm ḡandô ḡayham tu dakêḡ batanḡ-ḡga, ma ti lêḡ datigasuc Anötô-ḡga.

²⁰ Ma Anötô sôm tidôḡ bu Yisu oc ti dabuḡsiga bu mbo ḡapaḡ. In kêmatinḡ yom bocdinaḡ pi lau dabuḡsiga naḡ sêsa akêḡ Liwai ndê toḡ, naḡ dom.

²¹ Magoc in kêmatinḡ yom têḡ Yisu, tôm sêto yêc bocdec bu:

Pômdau sôm yom tidôḡ su, ma in oc seḡ yom dau su dom. Yom dau bocdec bu, “Am dabuḡsiga mbo ḡapaḡ-ḡga.” *[BW 110:4]*

²² Bocdinaŋ Anötö kêmatinŋ pwac wakuc naŋ hôc gêlêc pwac akwa su. Ma inŋ sôm yom tidônŋ pi Yisu, dec kêyalinŋ inŋ sa ti pwac wakuc dau ŋadau.

²³ Dabuŋsiga daêsam sem gwelenŋ sêmbo pwac akwa ŋapu, ŋahu bu danŋ bu mbac ndu, naŋ danŋ oc kôc inŋ ndê mala. ²⁴ Magoc Yisu ndê gwelenŋ dabuŋsiga-ŋga oc yêc ŋapaŋ, ŋahu bu inŋ mbo tali ŋapaŋ. ²⁵ Ma bocdinaŋ lau naŋ sêtigasuc Anötö tu inŋ-ŋga, naŋ Yisu gitôm andô bu nem ŋac si. Ŋahu bu inŋ mbo tali ŋapaŋ, ma tôm bu nem ŋac awha têŋ Anötö.

²⁶ Gauc nem yac neŋ dabuŋsiga atu Yisu. Inŋ dabuŋ, inŋ ndê giso mbasi, inŋ ndê lêŋ ŋawasi eŋ, ma Anötö toc inŋ sa hôc gêlêc lau sac nom-ŋga ma kôc inŋ sa pi undambê gi. Tu dinaŋ-ŋga dec inŋ †dabuŋsiga ŋayham solop, ma gitôm andô bu nem yac sa. ²⁷ Dabuŋsiga nom-ŋga h oŋ sêkêŋ da ya tu sac-ŋga tôm bêc hoŋ. Sêkêŋ tu ŋac dau si sac-ŋga muŋ, goc sêkêŋ tu lau ŋatô si-ŋga kêkuc. Magoc Yisu inŋ bocdinaŋ dom, bu inŋ dau ndê sac mbasi, ma inŋ kêŋ dau ti da tu lau si sac-ŋga dim tigenŋ eŋ. ²⁸ Bu Moses ndê yomsu kêyalinŋ lau sa sêti lau Israel-ŋga si dabuŋsiga atu-tu, naŋ sêpônnda gauc ti licwalô, tôm ŋac si asidôwai nom-ŋga. Magoc Yisu, naŋ tinambu Anötö sôm yom tidônŋ dec kêyalinŋ inŋ sa ti yac neŋ dabuŋ-siga, naŋ Anötö dau ndê Atu. Ma i ŋ gic dabinŋ Anötö ndê lêŋ nem yac si-ŋga, dec ti dabuŋsiga ŋayham andô, naŋ oc mbo ŋapaŋ.

8

Yisu inŋ dabuŋsiga pwac wakuc-ŋga

¹ Yom honj nanj yac asôm, nanj ñahu bocdec. Yac neñ †dabuñsiga atu mbo, nanj ndöc Anötö Ñawasi ti Ñaclai Ñadau ndê andô-nga yêc undambê. ² Ma inj gêm ndê sakinj mbo lôm dabuñ nanj ñamalac sêkwê, nanj dom, magoc mbo lôm dabuñ ñandô nanj Pômdau dau kwê kalhac undambê. ³ Dabuñsiga atu-tu honj nanj lau Israel-nga sênyalinj ñac sa, nanj si gwelenj bu sêkêñ da dange ti da ya ô sac-nga. Tu dinan-nga dec Yisu, nanj ti yac neñ dabuñsiga atu, nanj gic waê bu kêñ da bocdinanj. ⁴ Inj bu mbo nom, dec oc ti dabuñsiga dom, bu dabuñsiga nom-nga nanj sêkôm gwelenj sêkêñ da-nga tôm yomsu sôm, nanj dec sêmbo. ⁵ Ma lôm dabuñ nanj dabuñsiga nom-nga sêkôm gwelenj sêmbo, nanj gitôm ñagatu ñambwa, nanj gêm dôhônj lôm dabuñ undambê-nga. Bu têtj ndoc Moses bu kwê bac dabuñ sa, nanj Anötö gic atu ma whê sa têtj inj bocdec bu:

Yob daôm bu êmasañ gêtj honj êñkuc ñagatu nanj gatôc têtj am yêc Lôc Sainai. *[Eks 25:40]*

⁶ Magoc sakinj nanj Anötö kêñ têtj Yisu, nanj hóc gêlêc dabuñsiga pwac akwa-nga si sakinj. Bu pwac wakuc nanj Yisu ti ña-ñgac ñalhu-nga, nanj hóc gêlêc pwac akwa su. Ma gêtj nanj pwac wakuc gic bata bu datap sa, nanj hóc gêlêc pwac akwa ndê su.

⁷ Anjô su nanj. Pwac ñamata-nga bu ña-giso mbasi, dec Anötö oc gauc nem bu êmatinj pwac wakuc dom. ⁸ Magoc Anötö gêlic ñagôlinj pwac akwa-nga bu gitôm dom, dec sôm yom pi pwac wakuc, tôm sêto yêc bocdec bu:

Pômdau sôm, “Alic su nanj. Bêc oc meñ sa, nanj aö oc wamatinj pwac wakuc wawhinj lau Israel-

nga ma lau †Juda-nga.* 9 Oc tòm pwac nan kamatinj gawhinj nac si apai têtj ndoc aö aman wê nac sêsa akêtj gamej Isip-nga sêmenj, nan dom.

Nac sêsôc aö nejj yom pwac dinanj-nga njapu dom, ma tu dinanj-nga dec aö Pômdau gasôm bu wapuc dômwêjj nac.

10 Magoc têtj têtj pwac akwa-nga pacndê, nan aö Pômdau, oc wamatinj pwac wakuc wawhinj lau Israel-nga, nan bocdec bu. Aö oc wakêtj nejj yomsu sip nac si njagulu, ma wato sip nac si njalôm. Aö oc wati nac si Anötö, ma nac oc sêti aö nejj lau.

11 Têtj dinanj, oc tòm dom bu njamalac danj êndôhônj inj ndê asidôwai me lau menpanj inj-nga, ma sôm têtj nac, ‘Anyalê Anötö ma akôc inj sa ti mac nem Pômdau.’ Nahu bu aö nejj lau honj oc sênyalê aö, lau tiwaê, ma lau waêmbe sêwhinj.

12 Ma aö oc tanjalô nac, ma wasuc nac si giso kwi, ma gauc nem nac si sac tiyham dom.” *[Jer 31:31-34]*

13 Anötö sam gêtj dau bu pwac wakuc, ma njalêtj dinanj inj tôc asê bu pwac njamata-nga tiakwa su. Ma gêtj nanj tiakwa su, nanj kêpinj bu hê su ninja.

9

Israel si lôm dabuj njasakinj

* **8:8:** Lau honj nanj Anötö kêyalinj nac sa sêti inj ndê, nanj dasam nac bu lau Israel-nga. Magoc munj-nga sêwhê dau kôc gi tonj lu, nanj sêsam bu Israel ma Juda, ma tonj tigenj-tigenj sênyalinj dau si kinj sa tu nem gôlinj nac-nga. Alic 1 Kinj 11:9-13, 31-39; 12:20-24; Ais 11:12; ma Jer 3:18.

¹ Têñ tēm Anötö kêmatin pwac ñamata-nga whin lau Israel-nga, nan in kên yomsu pi lên sênem akin in-nga, ma pi f̄bac dabuñ nan sêkwê yêc nom. ² Ñalôm lu sêyêc bac dabuñ ñalôm. Ñalôm ñamata-nga sêsam bu Ñalôm Dabuñ, ma yakain ti den da-nga ma bolom da-nga sêyêc ñalôm dinan. ³ Ma sêkên po balin d an kêgalên bu whê ñalôm ñamata-nga ma tilu-nga kôc. Ma ñalôm tilu-nga sêsam bu Ñalôm Dabuñ Andô. ⁴ Yêc ñalôm tilu-nga, alta gol nan sêkên da ñamalu ñayham pi, ma apa pwac yomsu-nga sêyêc. Apa dau sêmasan ña a, ma sêmpañ ahuc ña gol. Sêkên lôñ gol dan ti bolom mana, ma Aron ndê t̄oc nan muñ-nga ñasili puc pi meñ, ma hoc lu nan Anötö to yomsu amanlu pi, nan sêyêc apa pwac-nga dau ñalôm. ⁵ Sêmasan anjela ñagatu lu nan sêsam bu anjela Anötö ndê ñawasi-nga, nan sêlhac apa dau ñahô. Sêmasan inlu ñamakê galam kêgatôc apa dau ñampêlhu nan sêsam bu Anötö ndê pôn suc sac kwi-nga, nan ahuc. Ma gên daêsam yêc, magoc t̄om dom bu yac awhê sa yêc bapia dindec.

⁶ Têñ ndoc sêmasan gên hon dinan su, nan dabuñsiga sem si gwelen sêsôc sêsa sêmbo ñalôm ñamata-nga t̄om bêc hon. ⁷ Magoc f̄dabuñsiga ñamata-nga tawasê sôc ñalôm tilu-nga, ma sôc tidim tigen yêc yala tigen ñalôm. Ma têt bêc tigen dinan, in sôc gi ma kôc dac t̄ohôn, bu kên ti da tu sac-nga. In kên tu dau-nga, ma tu sac nan Anötö ndê lau sênjalê dom ma sêkôm-nga. In bu kôc dac dom, dec oc t̄om dom bu in sôc ndi. ⁸ Ñalên dinan Ñalau Dabuñ bu whê yom sa têt yac pi pwac akwa bocdec bu. In t̄oc asê bu ñalên mba bu lau sêsôc

Njalôm Dabuñ Andô sêndi, têñ têm dabuñsiga sêñkuc sakin pwac akwa-nga, ma lôm dabuñ pwac akwa-nga kalhac dôñ kalhac.

⁹ Sakin pwac akwa-nga dinañ in ti dôhôn têñ yac lau têm kwahic dec-nga. Ma tôte asê têñ yac bu da dançe ti da ya nañ dabuñsiga sêkên tu lau-nga, nañ gitôm dom bu kôm lau dau si njalôm timalô tu nac si sac-nga. ¹⁰ Bu sakin dinañ ti ña-yomsu hon hêganôn gên daneñ ti danôm-nga, ma lau Israel-nga si lêñ sêngwasin dau ñawasi sa yêc Anötö anğô-nga. Ma gên hon dinañ in gên ñamlic-nga ñambwa, bu yêc e pwac wakuc nañ Anötö kên tu nem gôlin yac-nga, nañ meñ sa su nañ.

Dac Pwac Akwa ma Pwac Wakuc-nga

¹¹ Magoc Kilisi meñ ti dabuñsiga atu, nañ ndê sakin ña-ñandô ñayham meñ sa su. Ma lôm dabuñ nañ in sôc gi, nañ ñayham kêlêc ma hôc gêlêc lôm dabuñ nañ ñamalac amba sêkwê kalhac nom din-dec, nañ su. ¹² In gacgen sôc lôm dau Njalôm Dabuñ Andô gi, magoc in kôc makao ñatu me naniñ gapoc si dac bu kên ti da ô sac-nga dom. In sôc gi tidim tigen, ma kên dau ndê dac tu bu nemlhi yac neñ sac ñatôp, dec kêmasañ lêñ dambo tañli ñapañ-nga.

¹³ Pwac akwa yomsu-nga sôm bu lau Israel-nga si dabuñsiga sêkôc naniñ gapoc ti makao gapoc ñadac, ma sêngaluñ whin makao ñatu dinda nañ sêpec ti da ya nañ ñagasi, goc sêmbalip pi lau bu kôm ñac sêti dabuñ ma ñamlic ñawasi sa yêc Anötö anğô-nga.*

¹⁴ Magoc Kilisi, nañ ndê giso mbasi andô, ma kên

* **9:13:** Nac si mêtê dinañ hêganôn ñamalac nañ kêmasac awhê me ñac batê, dec kôm in ñadômbwi sa yêc Anötö anğô-nga. Alic Nam 19:1-22 yêc Yom Lêñsêm Akwa.

dau ti da têḡ Anötö tôm Ḥalau mbo ḡapan-ḡga puc in dōḡ, naḡ ndê dac hôc gêlêc dac pwac akwa-ḡga, ma gêm yac sa ḡandô. Ḥahu bu in ndê dac kêmasaḡ yac neḡ ḡalôm ḡawasi sa, ma kêḡwasiḡ m êtê sac naḡ gic waê lêḡ dandiḡaḡ-ḡga, naḡ su. Ma bocdinaḡ datôm bu danem akiḡ Anötö Tali Ḥadau ti atac pa su eḡ. ¹⁵ Kilisi kêmasaḡ lêḡ dinaḡ, ma bocdinaḡ kwahic dec in kalhac Anötö ma lau nom-ḡga ḡalhu bu ti pwac wakuc ḡadau. In ndê mbac ndu gêmlihi lau naḡ sêmbo pwac akwa ḡapu, naḡ si sac ḡatôp, ma kêḡapwêc ḡac su yêc sakiḡ mêtê sac-ḡga. Ma tu dinaḡ-ḡga ḡac oc sêtap gameḡ sêndöc t ali-ḡga naḡ Anötö gic bata têḡ ḡac, ma kêḡalêm ḡac sa bu sêwêkaiḡ, naḡ sa.

¹⁶⁻¹⁷ Gauc nem lau nom-ḡga si lêḡ sêmatiḡ pwac pi wapa lêḡsêm-ḡga. Lau naḡ bu sêwêkaiḡ ḡamalac daḡ ndê wapa lêḡsêm, naḡ oc sêtap gêḡ daḡ sa dom e sêḡyalê pi ḡandô bu ḡamalac dau mbac ndu su. In bu mbo tali, naḡ pwac dinaḡ ḡayom oc gacgeḡ lhac. ¹⁸ Tu dinaḡ-ḡga dec pwac akwa yomsu-ḡga sôm bu lau Israel-ḡga sêndic domba ti makao ndu, ma ḡadac ti pwac dau ḡahu. ¹⁹ Bu Moses to Anötö ndê yomsu pwac-ḡga hoḡ sip bapia, ma sam asê têḡ lau Israel-ḡga. Goc in kôc makao ḡatu [ma naniḡ] ḡadac ma kêḡaluḡ whiḡ bu, sô domba ḡamliciḡhu kokoc pi a ḡasaḡḡac daḡ, goc kêḡ sip dac ti bu ma kêbalip pi bapia dau ma pi lau hoḡ. ²⁰ Ma sôm, “Pwac naḡ Anötö kêmatiḡ whiḡ mac ma gic atu mac bu asôc ḡapu, naḡ ḡadac dau dindec.” ²¹ Ma ḡalêḡ tigeḡ in kêbalip dac pi lau Israel si bac sênem akiḡ Anötö-ḡga, ma pi dabuḡsiga si lôḡ ti laclhu sakiḡ dabuḡ-ḡga hoḡ. ²² Yomandô! Moses ndê yomsu pi lau

Israel-nga si lêḅ sêmasaḅ dau ḅawasi sa-nga, gic atu ḅac bu sêmbalip dac pi gêḅ hoḅ bocdinaḅ. ḅac bu sêndic makao ti domba ndu ma sêkêc dac siḅ dom, dec Anötö oc suc ḅac si sac kwi dom.

Kilisi kêḅ dau ti da dec gêm yac si

²³ Lau Israel-nga si bac ti gêḅ sênem akiḅ Anötö-nga, naḅ gitôm ḅagatu ḅambwa bu tôc gêḅ ḅandô undambê-nga asê têḅ yac. Ma lau Israel-nga sem dabuḅ gêḅ nom-nga dinaḅ ma sêkôm gêḅ dau ḅawasi sa yêc Anötö aḅgô-nga ḅa domba ti makao si dac. Magoc Kilisi ndê dac hôc gêlêc dac dinaḅ su, dec kêḅ ḅawasi atu têḅ gêḅ ḅandô undambê-nga.

²⁴ Bu Kilisi sôc lôm dabuḅ naḅ ḅamalac sêkwê, naḅ dom. Ma lôm naḅ iḅ sôc, naḅ gitôm gêḅ ḅandô undambê-nga ḅagatu ḅambwa dom. Mba. Iḅ sôc undambê dau gi, ma kalhac Anötö aḅgô-nga gêm yac hoḅ aḅôḅ.

²⁵ Ma Israel si dabuḅsiga atu naḅ sôc ḅalôm Dabuḅ Andô ti yala ti yala, naḅ kôc dau ndê dac dom. Magoc Kilisi sôc undambê tidim tigeḅ eḅ, ma kôc dau ndê dac solop. ²⁶ Iḅ kêḅ dau ti da gitôm dabuḅsiga nom-nga sêkêḅ da ḅapaḅ ma ḅapaḅ, naḅ dom. Bu bocdinaḅ, dec têḅ ndoc Anötö kêḅ undambê ti nom ma meḅ, naḅ iḅ oc hôc ḅandê tidim daêsam bocdinaḅ. Magoc Kilisi gitôm dabuḅsiga nom-nga dom. Iḅ meḅ ma kêḅ dau ti da tidim tigeḅ, tu bu êḅgaho lau nom-nga si sac ḅagêyô su pi dau.

²⁷ Yac lau tigeḅ-tigeḅ tac waê bu dambac ndu tidim tigeḅ, ma tiḅambu yac oc dalhac Anötö aḅgô-nga bu êḅsahê yac. ²⁸ Ma ḅalêḅ tigeḅ Kilisi mbac ndu tidim tigeḅ eḅ, bu êḅgaho lau daêsam si sac ḅagêyô su. Ma iḅ oc mbu meḅ tiyham bu hôc ḅandê tu sac-nga

tiyham dom, magoc tu bu kêñ Anötö ndê mwasiñ gêm lau si-nga ña-ñandô têtñ lau nañ sêkêtñ whiñ ti sêkêtñ bata inñ bu mbu meñ.

10

Kilisi gic da lau nom-nga tidim tigen en

¹ Pwac akwa yomsu-nga inñ gitôm ñagatu ñambwa bu tôc gêtñ ñayham nañ oc meñ sa, nañ asê têtñ yac. Magoc inñ gêtñ ñandô dau dom. Yomsu dau sôm bu lau Israel-nga sêkêtñ da tôm yala hoñ, dec tôc asê bu da kaiñ dinañ gitôm dom bu señ lau si sac su, me ndic dabiñ ñac bu sêtigasuc Anötö. ² Da kaiñ dinañ bu nditôm bu ndic dabiñ lau, dec oc sêkêtñ ñapañ dom. Ma inñ bu nditôm bu kôm ñac si ñalôm ñawasi sa yêc Anötö aṅgô-nga, dec ñac oc ñalôm ñawapac tu ñac si giso-nga tiyham dom. ³ Magoc sêkêtñ da dau tôm yala hoñ, dec kêñ gauc ñac bu ñac si sac yêc ñac dôñ yêc. ⁴ Nahu bu makao gapoc ti naniñ si dac gitôm dom bu señ sac su.

⁵ Tu dinañ-nga dec têtñ ndoc Kilisi meñ mbo nom, nañ sôm yom asê têtñ Anötö, tôm sêto yêc muñ su bocdec bu:

Am atac whiñ bu sêndic makao ti domba ma sêkêtñ ti da têtñ am lec dom. Magoc am kêmasañ aö daun neñ ñamlic ti ñandô.

⁶ Da ya ti da bocke nañ sêkêtñ tu sac-nga, nañ gic am tanôm dom bocdinañ.

⁷ Ma aö gasôm bu, “O Anötö, lic aö dec gameñ bu wakôm am nem atac whiñ ñandô sa, tôm yom nañ sêto pi aö muñ su, yêc bapia tilhuñ.” [BW 40:6-8]

⁸ Moses ndê buku yomsu-nga tôc bocdec bu. Sêkêḅ makao ti domba ti da, ma sêkêḅ da ya ti da tidau-tidau tu sac-nga. Magoc Kilisi dau sôm bu Anötö atac whiḅ bu sêkêḅ da hoḅ dinaḅ dom, ma gic iḅ tandô dom bocdinaḅ. ⁹ Ma tiḅambu Kilisi sôm têḅ Anötö bu iḅ dau meḅ su, bu kôm Anötö ndê atac whiḅ ḅandô sa. Bocdinaḅ dec iḅ seḅ lêḅ akwa da-nga su, ma kêmasaḅ lêḅ wakuc. ¹⁰ Ma Anötö ndê atac whiḅ, naḅ Kilisi kôm ḅandô sa, naḅ bocdec bu. Yisu Kilisi kêḅ dau ti da tidim tigeḅ, dec kêmasaḅ lêḅ bu dati lau dabuḅ.

¹¹ Dabuḅsiga pwac akwa-nga sêlhac ti sem gwelenḅ tôm bêc hoḅ, ma sêkêḅ da kainḅ tigeḅ ḅapaḅ, naḅ tôm dom bu seḅ sac su. ¹² Magoc Yisu, naḅ ti yac neḅ dabuḅsiga atu, kêḅ dau ti da dim tigeḅ eḅ, tu sac têm hoḅ-nga, goc gi ndöc Anötö ndê andô-nga. ¹³⁻¹⁴ Nahu bu da tigeḅ dinaḅ kêmasaḅ lêḅ bu seḅ lau naḅ iḅ bu kôm ḅac sêti lau dabuḅ, naḅ si sac su, ma gic dabiḅ ḅac bu sêmbo tali ḅapaḅ. Ma kwahic dec iḅ hoḅ bu Anötö kêḅ iḅ ndê ḅacyo hoḅ sêsôc iḅ gahi ḅapu.

¹⁵ Ma Nalau Dabuḅ hoc yom ḅandô asê pi gêḅ dau whiḅ, tôm yom daḅ naḅ sêto yêc bocdec bu:

¹⁶ Magoc têḅ têm pwac akwa-nga pacndê, naḅ aö Pômdau, oc wamatiḅ pwac wakuc wawhiḅ lau Israel-nga, naḅ bocdec bu. Aö oc wakêḅ aö neḅ yomsu sip ḅac si ḅagulu, ma wato sip ḅac si ḅalôm. *[Jer 31:33]*

¹⁷ Ma tiḅambu iḅ gic têku yom ma sôm yom bocdec:

Aö wasuc ḅac si giso kwi, ma gauc nem ḅac si sac tiyham dom. *[Jer 31:34]*

¹⁸ Bocdinaŋ, Pômdau sôm bu suc yac neŋ sac kwi, ma tu dinaŋ-ŋga dec dapônda dabuŋsiga daŋ bu kêŋ da tu sac-ŋga tiyham dom.

Kilisi kêmasaŋ seŋ datigasuc Anötö-ŋga

¹⁹ Tu dinaŋ-ŋga asidôwai, datigasuc Anötö ti neŋ atac pa su, gitôm dasôc Nalôm Dabuŋ Andô dandi, tu dac naŋ Yisu kêc siŋ-ŋga. ²⁰ Muŋ-ŋga, po baliŋ daŋ kêgalêŋ naŋ kalhac lau ahuc bu sêsôc Nalôm Dabuŋ Andô sêndi dom. Magoc Yisu ndê ŋamlic ô po dau su, ma iŋ mbo tali ŋapaŋ, dec iŋ ti seŋ wakuc datigasuc Anötö-ŋga. ²¹ Ma iŋ yac neŋ dabuŋsiga tiwaê, naŋ gêm gôliŋ Anötö ndê lau hoŋ. ²² Iŋ ndê dac kêgwasinŋ yac neŋ sac hoŋ su, dec dambo ti ŋalôm ŋawapac tu yac neŋ sac-ŋga tiyham dom. Ma bu ŋawa kêgwasinŋ yac neŋ ŋamlic ŋawasi sa su. Tu dinaŋ-ŋga dec datigasuc Anötö ti neŋ ŋalôm ŋawasi, ma dakêŋ whiŋ ti neŋ ŋalôm pêŋ dôŋ.

Puc dalhac ŋaŋga-ŋga

²³ Yac lau dakêŋ whiŋ-ŋga dahoc yom asê ma dasôm bu dakêŋ batanŋ ŋandô ŋayham naŋ Anötö gic bata têŋ yac. Iŋ gitôm dom bu kac ndê awha kwi-kwi, ma tu dinaŋ-ŋga taŋkwê ŋandô dau ti atac lu-lu dom. ²⁴ Ma dakôc gauc pi lêŋ bu dapuc daun dôŋ bu atac whiŋ asidôwai, ma dakôm mêtê ŋayham eŋ. ²⁵ Dahu mêtê dapitigeŋ-ŋga siŋ tôm lau ŋatô sêkôm, naŋ dom. Mba. Dakac sa dapitigeŋ, ma tangilî daun bu dalhac ŋaŋga. Mac anyalê bu Yisu ndê bêc mbu meŋ-ŋga meŋ kêpiŋ su, ma bocdinaŋ dec akôm asiŋ su eŋ.

²⁶ Anŋô ŋapep! Yac bu tanyalê Anötö ndê yom ŋandô tidôŋ su, magoc tiŋambu dalic sac gitôm gêŋ

ɲambwa ma dakôm, dec da dan yêc naɲ tôm bu seɲ yac neɲ sac dinaɲ ɲagêyô su-ɲga, yêc dom.

²⁷ ɲamalac naɲ sa lêɲ kainɲ dinaɲ, naɲ bu ndê gauc sa, dec oc töc dau ɲalêɲ sac pi gêɲ naɲ gic inɲ ɲawaê bocdec bu, inɲ oc tap Anötö ndê matôc sa, ma sip ya atu naɲ Anötö kêmasaɲ tu inɲ ndê ɲacyo-ɲga ndi.

²⁸ Gauc nem ɲamalac naɲ kêgîli Moses ndê yomsu. ɲamalac lu me tö bu sêpuc si yom dôɲ ma sêtôc asê bu yomandô bu ɲamalac dau kôm giso, dec yomsu dau sôm bu tawalô inɲ dom, sêndic inɲ ndu eɲ.

²⁹ Bocdinaɲ mac gauc gêm bocke pi ɲamalac naɲ kêyalê su bu Kilisi ndê dac pwac wakuc-ɲga kôm inɲ ti dabuɲ, magoc tinambu inɲ pu gêɲ dau ma gêlic gitôm gêɲ ɲambwa? ɲalêɲ dinaɲ inɲ pu Anötö ndê Atu, gitôm inɲ kwê inɲ dôɲ yêc inɲ gahi ɲapu gitôm gêɲ ɲapopoc, ma inɲ pu Anötö ndê ɲalau êmwasiɲ yac-ɲga whiɲ. ɲamalac naɲ kôm bocdinaɲ oc tôm dom andô bu êɲlêc Anötö ndê matôc. Inɲ oc tap matôc sac sambuc sa. ³⁰ Bu yac taɲyalê Pômdau, naɲ sôm yom bocdec bu:

Gwelenɲ sac ɲagêyô-ɲga yêc aö amanɲ, ma aö dauɲ oc wakêɲ. *[Diut 32:35]*

Ma sêto yom dan whiɲ, naɲ yêc bocdec bu:

Pômdau oc êɲsahê ti êmatôc inɲ ndê lau. *[Diut 32:36]*

³¹ Oyaê, ɲamalac naɲ sip Anötö Tali ɲadau amba bu tap inɲ ndê matôc sa, naɲ töc dau maɲ.

³² Gauc nem têm naɲ mac akêɲ whiɲ tiwakuc, ma akôc ɲawaê ɲayham sa gitôm ɲawê bu pô nem ɲalôm. Têɲ ndoc dinaɲ, ɲawapac daêsam tap mac sa tu akêɲ whiɲ Kilisi-ɲga, magoc mac alhac ɲaɲga.

³³ Têm ɲatô lau sêkêɲ kisa mac, ma sêsu mac susu

yêc lau honj anjô-nga. Ma têt njetô mac alhac awhinj lau nanj sêhóc wapac kainj dinanj ma apuc njac dôj. ³⁴ Ma lau sêkêj whinj-nga nanj sêkêj njac sêndöc gapocwalô, nanj mac tamwalô njac, ma am njac sa bocdinanj. Ma têtj ndoc lau sênjgaho mac nem wapa ti gêtj honj su, nanj mac ambo ti atac njayham enj. Njahu bu mac anjyalê bu mac nem awa njandô yêc njapanj-nga yêc undambê.

³⁵ Bocdinanj asap nem akêj whinj Pômdau dôj, ma atac lu-lu dom, dec mac oc atap mwasinj atu sa. ³⁶ Alhac njanja ti njalôm pêj dôj, ma akôm gêtj honj njapep tôm Anötö ndê atac whinj. Ma bocdinanj mac oc atap njandô njayham nanj inj gic bata, nanj sa. ³⁷ Bu njasawa saunj enj, tôm yom nanj sêto yêc nanj sôm bocdec bu:

Inj nanj dakêj batanj bu mej, nanj oc mej. Ma inj oc mej njagahô enj. ³⁸ Ma anenj lau gitêj oc sêndöc tali tu si sêkêj whinj-nga. Magoc njac nanj sêhu sinj, nanj aô oc walic njac sac sambuc.

[Hab 2:3-4]

³⁹ Magoc yac datôm lau nanj sêhu si sêkêj whinj sinj ma sêmbo senj sêninga-nga dom. Mba. Yac dalhac njanja ma dakêj whinj dandic njawaê, e datap mwasinj dandöc tanji njapanj-nga njandô sa.

11

Abanj Israel-nga si lêtj sêkêj whinj-nga ti dôhônj têtj yac

¹ Yac bu dakêj whinj njanja, dec yac oc atac lu-lu dom tu gêtj nanj dakêj batanj dambo, me tu gêtj nanj tanônj dalic dom-nga. ² Abanj Israel-nga sêkêj whinj njalêtj dinanj, ma tu dinanj-nga dec Anötö toc njac sa.

³ Yac dakêj whinj, dec tanjyalê bu munj-nga, gêtj nanj

kwahic dec tanôñ dalic, nañ ñadañ yêc dom, magoc meñ hôc asê ña Anötö ndê yom.

⁴ Tu Abel ndê kêñ whiñ-ñga dec Anötö gêlic da nañ iñ kêñ bu ñayham, hôc gêlêc Kein ndê su. Ma tu Anötö kôc Abel ndê da sa-ñga, dec tôc asê bu iñ gêlic Abel bu ñgac gitêñ. Ma iñ mbac ndu su, magoc iñ ndê lêñ kêñ whiñ-ñga dinañ gacgeñ kalhac tòm dôhôn ñayham.

⁵ Ma Inok kêñ whiñ, dec sêto yom pi iñ ma sêsôm bu Anötö gêlic iñ ñayham. Ma tu iñ ndê kêñ whiñ-ñga, dec Anötö kôc iñ su yêc nom ti tali, ma sêlic iñ tiyham dom. ⁶ Ñamalac dañ bu kêñ whiñ dom, dec gêñ hoñ nañ iñ kôm, nañ ñadañ oc tòm dom bu ndic Anötö tandô ñayham. Bu asa nañ bu tigasuc Anötö, nañ kêñ whiñ bu iñ mbo yomandô, ma kêñ whiñ bu iñ oc êmwasiñ lau nañ sêkêñ dau sambuc tu sêñsalê iñ-ñga.

⁷ Ma têñ ndoc Anötö kêñ puc Noa pi gêñ nañ iñ tandô gêlic su dom, magoc tiñambu oc meñ hôc asê, nañ Noa kêñ whiñ Anötö, ma toc iñ sa ti sôc iñ ndê yom ñapu. Iñ sô wañ atu dañ bu nem iñ ti ndê b alêkoc sa. Tu iñ ndê lêñ kêñ whiñ-ñga dec iñ tôc lau nañ sêmbo nom têñ têm dinañ, nañ si giso asê tiawê, ma Anötö kêñ iñ wêkaiñ lêñ dati lau gitêñ tu dakêñ whiñ-ñga.

⁸ Abraham kêñ whiñ Anötö têñ ndoc Anötö kêgalêm iñ sa ma kêkiñ iñ têñ gameñ nañ iñ gic bata têñ iñ, nañ gi. Iñ gêm gauc gameñ dau, magoc dañga wambu Anötö ma gi. ⁹ Ma yom tigeñ nañ Anötö gic bata têñ Abraham, nañ gic Aisak lu Jakob ñawaê bocdinañ. Magoc Abraham, ma Aisak lu Jakob nañ sêñkuc iñ, nañ sêti nom ñadaui dom,

sêndöc bac po gitôm lau apa. Magoc Abraham kêñ whiñ yom nañ Anötö gic bata têtñ in. ¹⁰ Nahu bu in kêñ bata bu ndöc malac atu nañ oc yêc ñapañ, nañ Anötö dau kwê sa kêkuc ñagatu nañ in dau gauc gêm tidôñ.

¹¹ Abraham ti ñamalac andô su, ma in nawhê Sara dau in awhê gapoc, magoc in kêñ whiñ yom nañ Anötö gic bata têtñ in, dec Anötö kêñ ñaclai têtñ in bu kwê balêkoc asê. ¹² Abraham ndê têtñ pacndê su, tigen tu in kêñ whiñ-nga, dec lau ton atu sêsa akêñ ñgac tigen dinañ. In ndê lau wakuc dinañ sêtôm tata umbon-nga, ma ganğac gwêc-nga, nañ gitôm dom bu dasê sa.

¹³ Têtñ têtñ abañi Israel-nga sêmbo tali, nañ ñac si dan tap ñandô nañ Anötö gic bata têtñ ñac, nañ sa dom. Ñalên dinañ dec sêsa si lêtñ sêkên whiñ-nga e sêmbac ndu. Tu ñac si sêkên whiñ-nga dec têtñ sêlic gêtñ ñandô dau gatuc-gatuc ma sêkên bata bu sêtap ñandô sa. Ma ñac sêlic dandi sêtôm lau nañ sem apa nom. ¹⁴ Ma lau nañ gauc gêm bu ñac lau kain dinañ, nañ sêtöc asê bu ñac sêtñsalê si malac ñandô sêndöc-nga. ¹⁵ Abañi Israel-nga bu sêlic gameñ nañ sêhu sin su têtñ si malac ñandô, dec oc têtñ bu sêmbu sêndi sêndöc dinañ. ¹⁶ Magoc mba. Ñac atac whiñ malac dan, nañ hóc gêtñ in dindec su. Malac dau yêc undambê, ma Anötö kwê malac dau sa su tu ñac-nga. Tu dinañ-nga dec in maya dau dom bu ñac sêsam in bu ñac si Anötö.

¹⁷⁻¹⁸ Abraham kêñ whiñ Anötö têtñ ndoc in kêsahê in, ma sôm têtñ in bu kêñ Aisak ti da têtñ in. Anötö gic bata yom têtñ Abraham muñ su, ma sôm bu lau oc sêsam lau wakuc nañ sêsa akêñ Aisak, bu Abraham

ndê gôlôwac ñandô. Magoc in sap ndê kêñ whin dön dec bu kêñ ndê atu tigen dinan ti da. ¹⁹ In gauc gêm bu Anötö gitôm bu oc un lau batê sa. Ma gên nan hóc asê, nan gitôm in kôc Aisak mbu akên lau batê-nga men tiyham.

²⁰ Ma tinambu, têt ndoc nan Aisak gêm mbec Jakob lu Iso, nan dec kêñ whin bu Anötö gitôm bu kôm in ndê mbec ñandô sa. ²¹ Ma Jakob bocdinan kêñ whin Anötö. Têt ndoc in kêsahê bu in ndê têt kêpin bu pacndê, nan in gêm mbec Josep atu lu. Ma in gic sejen dau ña ndê têt ma kêpin Anötö. ²² Josep kêñ whin bu Anötö oc êngaho lau Israel-nga su yêc gameñ Isip-nga, dec têt ndoc in ndê têt kêpin bu pacndê, nan sôm yom asê pi gên dau, ma gic atu ñac bu sêkôc in ndê ñakwa whin ñac, têt ndoc ñac bu sêlhô sêndi.

²³ Ma Moses damba lu dinda sêkên whin Anötö, dec sêsin in gitôm ayô tö têt ndoc dinda kôc in. Nahu bu inlu sêlic bu in balêkoc ti angô, ma sêtôc dau tu yom nan kin Isip-nga gic atu nan-nga dom. ²⁴ Ma têt ndoc Moses tiatu, nan in kêñ whin Anötö dec tec bu sêsam in bu Parao atuwê ndê balê. ²⁵ In tec bu mbo ti atac ñayham têt ñasawa apê tu mêtê sac-nga whin Parao ndê lau, ma gêlic ñayham bu hóc ñandê ti ñawapac whin Anötö ndê lau. ²⁶ In gêlic lêt mayan-nga nan gic waê Anötö ndê Mesaya bu ñayham hóc gêlêc lau Isip si awa ti gên ñayham-ñayham hon su. Nahu bu in takwê ndê ñaôli ñayham, nan in oc tap sa tinambu. ²⁷ In kêñ whin, dec hu gameñ Isip-nga sin, ma têt dau tu kin Isip-nga ndê atac ñandê-nga dom. In puc dau dön ma kalhac ñanğa, ñahu bu in gêlic Anötö, nan lau dan sêlic su

dom. ²⁸ Inj kêñ whiñ Anötö dec sôm têtñ lau Israel-nga bu sêmasañ Pasowa tòm Anötö sôm, ma sêsê domba ñadac pi gatam ñac si andu-nga. Ma ñalêñ dinañ añela nañ gic balêkoc ñgac mbêc Isip-nga hon ndu, nañ kêtêc lau Israel-nga si andu hon.

²⁹ Lau dau sêkêñ whiñ Anötö nañ gêtêc Gwêc Koc sa, dec sêlom gitôm sêñsêlêñ sêmbô gameñ basô si. Magoc têtñ ndoc lau Isip-nga bu sêlom sêñkuc ñac, nañ gwêc kêtatôc ñac ahuc e sênôm gwêc su ma siñga.

³⁰ Tiñambu lau Israel-nga sêkêñ whiñ Anötö, dec sêñsêlêñ sêñgihi malac Jeriko tòm bêc 7 e malac dau ñatunbôm ku sa. ³¹ Magoc Anötö señ awê mockain-nga Rahab su whiñ lau dangapêc malac dinañ-nga dom. Nahu bu muñ-nga Rahab dau têt asê bu inj kêñ whiñ Anötö, têtñ têtñ inj kêt lau Israel-nga si lau sêtíp gameñ Kanan-nga sa ti yom malô.

³² Ma lau sêkêñ whiñ ñaŋga-nga daêsam sêmbô, tòm Gideon, Barak, Samson, Jepta, Dawid, ma Samuel ti Anötö ndê lau propet ñatô. Magoc ñasawa mba bu wasôm yom pi ñac tigen-tigen. ³³ Ñatô sêkêñ whiñ ñaŋga, dec sêku kiñ gameñ ñatô-ñ ga dulu. Ñatô sem gôliñ lau Israel-nga ti sêñgiliñ ñac bu sêsa si lêtñ gitêñ. Ma Anötö gic bata yom têtñ ñac bu yob ñac. Tu lau ñatô si sêkêñ whiñ-nga dec Anötö kêtgapic layon si whasun ahuc, ³⁴ ma kêtaho ya ña-ñandê su yêc ñatô, ma yob ñatô bu sêlhô su yêc ñacyo si bien. Lau ñatô ñac lau licwalô mba, magoc tu ñac si sêkêñ whiñ-nga, dec Anötö kêñ ñaŋga têtñ ñac. Ñac sêti lau siñ-nga ti ñaclai atu, ma sêku lau apa si lau siñ-nga dulu. ³⁵ Lauwê ñatô sêkêñ whiñ Anötö, dec inj un ñac si balêkoc ñgac

nañ sêmbac ndu su, nañ sa sêmenj sêmbo sêwhinj ñac tiyham. Ma lau sêkêñ whinj-nga ñatô, nañ sic ñac ña sô e sêmbac ndu. Magoc lau dau sêtec bu sêsêc si sêkêñ whinj ahuc tu bu sênem dau si yêc ñandê dinan, ñahu bu sêkêñ bata bu Anötö gitôm bu oc uñ ñac sa, ma kênj ñac sêmbo ñayham en. ³⁶ Ñatô, lau sêsu ñac susu, ma sêhi ñac ña sô, ma ñatô sêsô ñac dôñ ma sêkêñ ñac sêndôc gapocwalô. ³⁷ Sêtuc ñatô ña hoc ndu, sêhê ñatô ña sege kic gi lu, ma ñatô nañ lau sinj sêkuj ñac ndu ña bienj baliñ. Ñac sêsôc ñakwê sac-sac nañ sêmasan ña domba ti naniñ ñamlic, sêpônnda dau ñandô, ma lau sêkêñ kisa ñac ti sêkôm ñac ñayom. ³⁸ Ñac sênghihi sêmbo gameñ sawa ti gameñ lôc-nga gitôm lau waêmbe, ma sêndôc hoc ñasun ti sunj nañ yêc nom. Magoc tu ñac si sêkêñ whinj-nga dec Anötö gêlic ñac ñayham kêlêc, hôc gêlêc lau nom-nga honj su.

³⁹ Ñawaê pi lau honj dinan si sêkêñ whinj yêc tu bu whê ñac sa têtj yac-nga. Magoc ñac si danj gêlic ñandô nañ Anötö gic bata têtj ñac, nañ dom. ⁴⁰ Ñahu bu lêtj ñayham andô nañ Anötö kêmasan bu êmwasiñ yac lau têtj kwahic dec-nga, nañ gic waê ñac lau dau sêwhinj. Ma yac honj oc datap sa dawhinj dauñ.

12

Tañtinj Yisu ma dalhac ñanga

¹ Lau honj dinan sêmunj yac su, ñac lau tonj atu andô, ma sêtôc lêtj dakêñ whinj-nga ñayham têtj yac tu tanjuc-nga. Tu dinan-nga dec dakac dauñ su yêc gêtj honj nañ kalhac yac ahuc tu tanjuc Yisu-nga, ma yêc mêtê sac nañ bu êntôm yac ma kôm yac dapeñ. Ma tanti ñanga dapêtj lêtj nañ Anötö gic

bata tu tanti daho-nga ma dahu siŋ dom. ² Tanti ma taŋtiŋ Yisu, bu iŋ ti yac neŋ dakêŋ whiŋ ŋahu, ma iŋ oc ndic dabiŋ yac neŋ dakêŋ whiŋ. Iŋ kâyalê bu iŋ ndê mbac ndu oc ti lêŋ atac ŋayham-nga tiŋambu, ma tu dinaŋ-nga iŋ puc dau dôŋ tu hôc ŋandê a gicso-nga, ma hêgo dau tu maya atu naŋ gic lêŋ dinaŋ ŋawaê, naŋ dom. Ma kwahic dec iŋ pi undambê g i ndöc Anötö ndê pôŋ atu ŋa-andô-nga. ³ Akôc gauc pi Yisu, ma pi lêŋ kisa-nga naŋ lau sac sêkôm têŋ iŋ. Iŋ hôc kisa dau magoc kalhac ŋaŋga, dec tôc dôhônŋ ŋayham têŋ mac bu aŋkuc, ma bu nem mac sa bu kwampac sa ma ahu nem akêŋ whiŋ siŋ dom.

Anötö kêmatôc lau naŋ iŋ atac whiŋ

⁴ Mac ahôc ŋawapac tu saê ti kisa naŋ lau sac sêkêŋ têŋ mac-nga, magoc sêkôm e sêkêc mac nem daŋ ndê dac siŋ su dom. ⁵ Bocke? Mac aŋlhiŋ Anötö ndê yom, naŋ kêgilí mac bu alhac ŋaŋga, naŋ siŋ, a? Yom dau sam mac bu Anötö atui awhê ma ŋac, ma sêto yêc bocdec bu:

Aneŋ balêkoc awhê ma ŋac, Pômdau bu êmatôc mac, me bu kêŋ ŋawapac têŋ mac bu whê nem gauc sa pi nem giso, naŋ alic tôm gêŋ ŋambwa dom, ma lic ŋakam sa tu aŋkuc iŋ-nga dom.

⁶ Ŋahu bu Pômdau kêmatôc lau naŋ iŋ atac whiŋ ŋac, ma lau naŋ iŋ kôc ŋac sa sêti iŋ ndê balêkoc, naŋ iŋ kêŋ ŋandê têŋ ŋac. *[Prov 3:11-12]*

⁷ Mac aŋyalê bu dambai nom-nga hoŋ sêmatôc si balêkoc tu bu sêndôhônŋ ŋac bu sêŋkuc lêŋ ŋayham-nga. Ma bocdinaŋ Anötö bu êmatôc mac, naŋ alhac ŋaŋga. Bu gêŋ dau tôc asê bu iŋ gêlic mac bu iŋ

ndê balêkoc solop. ⁸ Ma Anötö kêñ ñawapac têtñ inñ ndê balêkoc honñ tu bu êndôhônñ ñac-ñga. Inñ bu kêñ têtñ mac dom, dec oc tôc asê bu mac atôm balêkoc ñasawa-ñga, ma Anötö ndê balêkoc solop dom. ⁹ Ma têtñ ndoc damañi nom-ñga sêmatôc yac, nañ dalic ñac sac dom, magoc datoc ñac sa. Bocdinañ dasôc Damañ undambê-ñga ñapu hôc gêlêc damañi nom-ñga su dandic ñawaê. Ñahu bu inñ ti ñadau yac neñ gatunñ, ma inñ kêmatôc yac tu bu daso mwasiñ dandôc tanñi-ñga dom. ¹⁰ Damañi nom-ñga gauc gêm bu sêndôhônñ yac tu bu dasa lêtñ ñayham-ñga, ma ñac si matôc inñ gêtñ ñasawa apê-ñga eñ. Magoc A nôtö kêyalê gêtñ bocke nañ oc nem yac sa ñandô, dec kêmatôc yac tu bu dati lau dabunñ-ñga, datôm inñ dau. ¹¹ Têtñ ndoc yac bu dahôc ñawapac tu êmatôc yac-ñga, nañ oc kôm yac atac ñayham dom, magoc oc kêñ ñandê têtñ yac. Magoc tinñambu yac tanñyalê bu ñawapac dau gêm yac sa bu dambo ti yom malô, ma kêdôhônñ yac bu dasa neñ lêtñ gitêtñ eñ.

¹² Tu dinañ-ñga dec mac nem lau nañ si amba tibalê, me gahiduc tigolonñ tu wapac nañ sêhôn-ñga, nañ apuc ñac dônñ bu sêlhac ñanga tiyham. ¹³ Amasañ señ gahim-ñga tisolop, bu lau gahi sac nañ sêñkuc mac, nañ sêpeñ ma sêtisac dom, magoc ñayham sa tiyham.

Dayob dauñ bu daso Anötö ndê mwasiñ dom

¹⁴ Anñahê ñanga bu ambo awhinñ lau honñ ti yom malô, ma bu asa nem lêtñ dabunñ eñ. Bu asa nañ sa lêtñ dabunñ dom, nañ oc tôm dom bu lic Pômdau ma mbo whinñ inñ. ¹⁵ Ayob daôm ñapep bu mac nem dañ so Anötö ndê mwasiñ dom, ma bu ñasili mêtê sac-ñga lêtñ tiyham yêc mac-ñga dom. Bu mêtê sac

dau gitôm gêñ ñamakic ma oc kêñ ñawapac têt lau daêsam, ma kôm ñac ñadômbwi sa yêc Anötö anğô-nga. ¹⁶ Ayob bu mac nem dañ sa lêñ mockain-nga dom, me gauc nem gêñ nom-nga êñlêc dom, ma êñlhiñ Anötö siñ gitôm Iso, nañ hu ndê wapa lêñsêm ñgac mbêc-nga siñ, tu neñ gêñ dim tigen-nga. ¹⁷ Mac anyalê su, bu tiñambu iñ tac whiñ bu wêkain ndê gêñ lêñsêm dau tiyham, dec ndac damba Jakob bu nem mbec iñ. Magoc damba tec iñ dec kôm dom. Iñ tañ dau ndu, ma kêsahê ñanga bu kac damba ndê ñalôm kwi, magoc tôm dom.

Lôc Sainai ma Lôc Sayon sêti dôhôn pwac lu-nga

¹⁸ Lau Israel-nga sêtigasuc Lôc Sainai tu sêtap pwac akwa sa-nga. Magoc lôc nañ mac atigasuc tu akôc pwac wakuc-nga, nañ lôc kain dañ dau-nga. Lôc Sainai dau kalhac nom, ma lau Israel-nga sêlic ya atu, ma ñasec ti sômôm ma mbu lalahi atu gêm, yêc lôc dinan. ¹⁹ Ma ñac sêngô Anötö ndê dahuc ma iñ dau ndê awha, e sêtöc dau ma sêteñ bu sêngô tiyham dom. ²⁰ Bu Anötö gic yomsu ñac ma sôm bu ñamalac me bôc bocke bu meñ êmpin lôc dau, nañ sêtuc iñ ña hoc ndu. Lau Israel-nga sêlic bu yomsu dau kêñ ñawapac atu têt ñac. ²¹ Ma Moses gêlic gêñ hon dinan ma kôm iñ töt dau ma kêtitec ñandô.

²² M agoc tu mac nem akêñ whiñ-nga dec tôm mac ahôc asê Lôc †Sayon, nañ malac Jerusalem wakuc nañ yêc undambê, ma Anötö Tanli Ndadu ndê malac. Mac ahôc asê añela tausen ma tausen nañ sêkac sa sêmbo gameñ dinan ti atac ñayham atu. ²³ Ma mac asôc Anötö ndê gôlôwac dabuñ ñalôm, ma ambo awhiñ yac lau nañ iñ gêlic yac datôm iñ ndê balêkoc mbêc, ma to yac neñ ñaê sa yêc

undambê. Mac atigasuc Anötö dau, nan oc êñsahê lau hon pi ñac si mêtê. Ma mac ahôc asê gameñ nan lau gitêñ nan Anötö gic dabin ñac, nan si gatu sêmbô. ²⁴Ma mac atigasuc Yisu, nan ti pwac wakuc ña-ñgac ñalhu-ñga. Ma mac atap mwasin atu sa, tu dac nan in kêc sin tu êñgwasin mac nem sac su-ñga. Muñ-ñga, Abel ndê dac ta yom pi têtñ Anötö bu kêñ ñagêyô ô in ndê dac. Magoc Yisu ndê dac ti ñahu datap mwasin sa yêc Anötö-ñga, dec hôc gêlêc Abel ndê su.

Dalic Anötö ndê puc gitôm gêtñ ñambwa dom

²⁵ B ocdinan apôc danamsun ahuc têtñ yom nan Anötö sôm têtñ mac, nan dom. Lau Israel-ñga sêngô Anötö awha kêñ puc ñac yêc nom, ma ñac nan sêtec bu sêngô in ndê yom, nan sêlhô su yêc in ndê matôc dom. Bocdinan yac lau nan Anötö kêñ puc yac akêñ undambê, nan bu dapuc dômwên in, dec oc tôm dom andô bu dalhó su in ndê matôc.

²⁶ Têtñ ndoc Anötö sôm yom yêc Lôc Sainai, nan in awha kôm nom wiwic sa. Ma tinambu, têtñ ndoc dan tiyham in gic bata yom, tôm sêto yêc bocdec bu:

Têm dan tiyham aô oc wanwic gameñ tiyham,
magoc wanwic gameñ nom-ñga tawasê dom,
undambê whin. *[Hag 2:6]*

²⁷ In sôm bu kôm gêtñ dau dim dan tiyham, ma yom dau hêganôn têtñ nan in oc êñwic gêtñ undambê ti nom-ñga hon nan in kêñ. Ma gêtñ nan bu yêc ñapan-ñga dom, nan oc wiwic sa e ñinga. Ma ñalêñ dinan, gêtñ nan wiwic dom oc gacgen sêlhac.

²⁸ Anötö gic bata têñ yac bu yac oc dawêkain gameñ nan oc wiwic ma niñga dom. Tu dinañ-nga dec danem danje in, ma danem akiñ in ñalêñ ñayham nan tòm bu ndic in tandô ñayham. Dakôm ti datoc in sa ma datöc in, ²⁹ ñahu bu yac neñ Anötö ndê ñaclai gitôm ya atu, nan gitôm bu neñ gêñ sambob su.

13

Sakiñ nan gic Anötö tandô ñayham

¹ Ambo ti atac whiñ asidôwai ñapañ. ² Anlhiñ daôm siñ dom bu akôc lau anğô batac sa ma andic ya ñac. Ñahu bu lau ñatô nan sêkôm bocdinañ, dec sic ya anela magoc sem gauc. ³ Ma gauc nem lau sêkêñ whiñ-nga nan sêndöc gapocwalô, ti ñac nan lau sêkêñ kisa ñac, ma anem ñac sa gitôm mac daôm ahôc ñawapac dinañ awhiñ.

⁴ Mac honj atoc lêñ lauwhê ti ñgac sênem dau-nga sa ñapep andic ñawaê. Awhê ma ñgac bocke nan sem dau sa su, nan sêmbo sêwhiñ dau ti sêsa lêñ ñawasi eñ. Ñahu bu lau honj nan sêkôm mêtê mockain-nga, me sêndic sêmbôc-walô kic, nan oc sêtap Anötö ndê matôc sa.

⁵ Ayob daôm bu mêtê atac whiñ mone-nga nem mac nem ñalôm ahuc dom. Ambo ti atac ñayham pi gêñ bocke nan Anötö kêñ têñ mac. Bu Anötö dau sôm bu yob mac, tòm yom nan sêto yêc, nan bocdec bu:

Aö wahu am siñ me wapuc dômwêñ am danj dom. *[Diut 31:6, 8]*

⁶ Tu dinañ-nga dec ñalôm pêñ dôñ ma dasôm yom asê tòm sêto yêc Buku Wê-nga bocdec bu:

Pômdau oc nem aö sa, ma bocdinañ aö oc watöc
 daun dom. Asa oc tòm bu kac aö su yêc Pômdau
 ndê atac whiñ? *[BW 118:6-7]*

⁷ Gauc nem mac nem lau bata nañ sêndôhôn
 Anötö ndê yom têñ mac. Akôc gauc pi ñac si lêñ
 ñayham nañ sêsap dôñ e si têm pacndê, ma añkuc
 ñac si lêñ sêkêñ whiñ-nga. ⁸ Yisu Kilisi oc kac dau
 kwi-kwi dom. Njalêñ nañ iñ mbo muñ-nga, nañ iñ
 mbo kwahic dec, ma oc mbo bocdinañ ñapañ.

⁹ Ayob daôm bu yom ti mêtê wakuc nañ so yom
 ñandô, nañ êñsôn mac nem gauc e hê mac su yêc
 Kilisi dom. Tamkwê Anötö ndê mwasiñ bu puc
 nem gatôm dôñ, ma gauc nem gêñ daneñ-nga me
 ñagôliñ pi gêñ daneñ-nga êñlêc dom. Bu lau nañ
 sêmbo pwac akwa ñapu ma gauc gêm gêñ kain
 dinañ kêlêc, nañ gêm ñac sa bu sêti lau gitêñ yêc
 Anötö añgô-nga dom.

¹⁰ Yac tam akiñ Anötö dambo pwac wakuc ñapu,
 ma lau nañ sem akiñ Anötö sêmbo pwac akwa
 ñapu, nañ sêtôm dom bu sêwêkain pwac wakuc din-
 dec ñamwasiñ. ¹¹ Domba ti makao nañ dabuñsiga
 ñamata-nga Israel-nga kôc ñadac ma sôc lôm dabuñ
 Njalôm Dabuñ Andô gi bu kêñ ti da ô lau si sac
 ñagêyô, nañ lau sêkôc ñamsôm su yêc malac ma
 sêpec su giñga yêc gameñ ñamakê-nga.* ¹² Ma ñalêñ
 tigeñ Yisu hôc ñandê ma mbac ndu yêc malac
 Jerusalem ñamakê, tu bu kôm lau sêti dabuñ tu

* **13:11:** - alic Lev 16:27. Yom pi lau Israel-nga si Om Atu Sêkêñ
 Da ô Sac ñagêyô-nga (Day of Atonement), nañ sêto yêc Lev 16:1-34.
 Hib 13:12 bu tôc asê tiawê bu Yisu ndê mbac ndu hôc gêlêc da nañ
 dabuñsiga Israel-nga sêkêñ ti yala ti yala (Hib 7:11-9:18), ma bu
 êñgilí lau sêkêñ whiñ-nga bu sêñkuc Yisu ti atac pa su eñ.

in̄ dau ndê dac nan̄ kêc sin̄-nga. ¹³ Bocdinan̄ dahu lau Israel-nga si sakin̄ pwac akwa-nga sin̄ gacgen̄, gitôm yac dasa yêc malac Jerusalem, ma datên̄ Yisu dandi, ma dahôc yom mayan̄-nga nan̄ n̄acyo sêmbalin̄ pi yac tu dakên̄ whin̄ Yisu-nga, nan̄ dawhin̄. ¹⁴ Nahu bu gameŋ nom-nga nan̄ kwahic dec ti yac neŋ malac dambo-nga, nan̄ malac yêc n̄apan̄-nga dom. Ma yac tan̄kwê malac n̄andô nan̄ oc meŋ sa tin̄ambu.

¹⁵ Tu Yisu-nga dec tampin̄ Anötö tôm bêc hon̄. Yac lau hon̄ nan̄ dasôm bu dakên̄ whin̄ Yisu, nan̄ tac waê bu tampin̄ Anötö, ma yac neŋ yom tampin̄ in̄-nga gitôm da dan̄ge n̄ayham. ¹⁶ An̄lhin̄ daôm sin̄ dom bu akôm mêtê n̄ayham eŋ, ma bu akên̄ nem gêŋ tu anem lau n̄atô sa-nga. Mêtê dau in̄ gitôm da nan̄ Anötö gêlic n̄ayham whin̄. ¹⁷ Dan̄am wambu lau bata nan̄ sêyob mac lau akên̄ whin̄-nga, ma asôc n̄ac n̄apu, tu bu sêkôm si gwelen̄ ti atac n̄ayham-nga. Bu n̄ac sem gwelen̄ pi Anötö ndê yom bu sêpuc mac nem gatôm dôŋ, ma tin̄ambu Anötö oc kip n̄ac sa n̄apep pi gwelen̄ dau. Mac bu dan̄am wambu n̄ac n̄apep dom, dec oc kôm n̄ac n̄alôm n̄awapac, ma oc tôm dom bu sênem mac sa n̄apep.

¹⁸ Ateŋ mbec tu yac-nga, bu yac an̄sahê n̄an̄ga bu asa mba lên̄ gitên̄ eŋ, ma yac ambo ti atac pa su pi yac mba lên̄. ¹⁹ Ma ateŋ mbec n̄an̄ga bu Pômdau nem aô sa bu watap seŋ watên̄ mac waloc-nga sa n̄agahô.

Yom n̄ambu-nga

²⁰ Yac neŋ Pômdau Yisu ma n̄gac n̄ayham yob domba-nga kêc ndê dac sin̄ tu êmatin̄ pwac yêc n̄apan̄-nga, dec Anötö un̄ in̄ sa akên̄ lau batê-nga.

Ma aö bu wateŋ Yom Malô N̄adau, Anötö dau, ²¹ bu ndic dabiŋ mac bu akôm mêtê ŋayham eŋ ma asa nem lêŋ hoŋ tôm iŋ ndê atac whiŋ. Ma tu Yisu Kilisi ndê ŋaê-ŋga, dec aö wateŋ iŋ bu puc yac hoŋ dôŋ tu bu gêŋ hoŋ naŋ dakôm, naŋ ndic iŋ tandô ŋayham. Datoc Yisu ndê waê sa tôm bêc sambob. Yomandô.

²² O asidôwai. Aö gato bapia apê dindec bu waŋgilí mac bu asap lêŋ ŋayham dôŋ ŋapaŋ. Ma kwahic dec aö bu wateŋ mac bu akôc aneŋ yom hoŋ sa ma asôc ŋapu. ²³ Aö wakêŋ ŋawaê têŋ mac bu sêhu yac neŋ asidôwa Timoti siŋ su yêc gapocwalô. Iŋ bu hôc asê aö ŋagahô, dec alu oc aloc ma alic mac. ²⁴ Akêŋ aneŋ acsalô ŋayham têŋ mac nem lau bata hoŋ, ma têŋ A nôtö ndê lau dabuŋ hoŋ bocdinaŋ. Ma lau gameŋ Itali-ŋga sêkêŋ si acsalô têŋ mac whiŋ.

²⁵ Anötö ndê mwasiŋ whiŋ mac hoŋ.

Anötö ndê Yom Lêñsêñ Wakuc
The New Testament in the Bukawa language of Papua
New Guinea

Nupela Testamen long tokples Bukawa long Niugini

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 21 Feb 2024 from source files dated 31 Aug 2023

545e5ca3-1e95-59e4-8380-93951e023cf7